



იმისთანა წმინდა საცემში, ბრტყილ ბეჭდვით სიფყვას, ცყდილებით და ჭბრებით ბრტყის გაცანა ყველა უკანონოა და უსამართლოა.



გამოდის 1918 წლის
25 ივლისიდან

რესპუბლიკა

ოთხშაბათი, 9 ოქტომბერი. 2019 წ. №200 (8866)

ელ.ფოსტა: sakresp@mail.ru და sakresp@top.ge

ფასი 60 თეთრი

ვინ ვის „ულოკავს ფხეხვს?!“



**ნაცები –
ერის
სხეულზე
ასოციაბული
„ლორის
ტილები“** ⑥

ანუ თურის მოუწახე აეუბური ჰორიციკა

მზეხა ამეჩიკიან

The Washington Times

გიორგი ბახარის
რთული გზა
ელოდება, ამ
გზის გაკლის
უნარი აქვს, ⑧



რისთვისაც
თავისი ერის, ეპროვის და, რას
ყველაზე მნიშვნელოვანია,
აუშ-ის მხარდაჭერა დასჭირდება

ნაგლეში 1 ლარად... ⑤



**ფააა-
ფუ?! ⑤**

**„საპარადოდ, საზარადი
პოლიტიკაში მიღის
საქართველოში ბიზნესის
③ დასაცავად, ან – ⑨
კოალიციაში, ალბათ,
ივანიშვილთან“...**

**ნულუკიანმა
კახიძეს
ნიღაბი ②
ჩამოსხნა**





ქუთაისი

**ბეგრჯერ
ბანიორ- ④
ნულეგული
პრობლემა**

ჯიმი ჩარკვიანი:
კედელზე ჯანსულის
გამოუქვეყნებელ
ლექსს წაგაწყდი... ⑦

**„ბარდიანი“: ბია ყანელი
მუსიკა ბარინდობას და
სილაგაზუს ამრთიანებდა**





გიორგი გახარია: როგორც კი არჩვენებს მოვიგებთ!..

ეს არის ჩემი პრინციპი და ამ პრინციპით ვმუშაობდი და გავაგრძელებ მუშაობას. ჩათვალეთ, რომ არჩვენებისთვის დღესაც ვემზადები, გუშინაც ვემზადებოდი და ხვალისთვისაც მოემზადები, — ასე უპასუხა პრემიერ-მინისტრმა გიორგი გახარიამ ჟურნალისტის კითხვას, რომელიც ეხებოდა კავშირს ვანო ზარდიაშვილის მანდატის დატოვებასა და მომავალ არჩევნებს შორის.

„ამ ფაქტის არჩევნებთან კავშირს არ ვადასტურებ. მეორე, როგორც კი არჩევნებს მოვიგებთ, შემდგომი არჩევნებისთვის ვინცებთ მზადებას“, — განაცხადა გიორგი გახარიამ. ვანო ზარდიაშვილმა გუშინ პარლამენტის დატოვების შესახებ განაცხადა.

რუსეთიდან ფრენების სუბსიდირებას არ განვიხილავთ

— ამის შესახებ საქართველოს პრემიერ-მინისტრმა გიორგი გახარიამ ასევე გუშინ განაცხადა. მისი თქმით, საქართველოსთვის სუბსიდირების ფორმები უნდა იყოს კომერციულად უფრო საინტერესო და მისაღები ტურიზმის განვითარებისთვის.

„ფრენების სუბსიდირების ნაწილში მიმართულნი ვართ იყო ძირითადად ქუთაისის აეროპორტიდან. დღეს ჩვენ დაახლოებით 50 წერტილი გვაქვს ევროპაში, სადაც პირდაპირი ფრენები გვაქვს. პირდაპირი ფრენები არის ყველაზე ეფექტური და სწრაფი ინსტრუმენტი, რომ მაქსიმალურად გავზარდოთ ტურისტების რაოდენობა ქვეყანაში. ამ ინსტრუმენტს ჩვენ, რა თქმა უნდა, გამოვიყენებთ შემდგომში. ქვეყნისთვის სუბსიდირების ფორმები უნდა იყოს კომერციულად უფრო საინტერესო და მისაღები ტურიზმის განვითარებისთვის, თუმცა ეს ის ინსტრუმენტი, რომელიც კარგად მუშაობს“, — განაცხადა გიორგი გახარიამ.

ეკონომიკის სწრაფი და მდგრადი განვითარება განვითარება ბიზნესის გარემოებას და მოქმედებებს

საბოლოო მიზანი არის ძალიან მარტივი — მეტი ტურისტი ქვეყანაში, მეტი შემოსავალი, მეტი სამუშაო ადგილი და, რა თქმა უნდა, ქვეყნის მეტი ცნობადობა, — ამის შესახებ საქართველოს პრემიერ-მინისტრმა გიორგი გახარიამ ბიზნესის წარმომადგენლებთან შეხვედრისას განაცხადა. მისი თქმით, ეკონომიკის სწრაფი და, რაც მთავარია, მდგრადი განვითარება დამოკიდებულია, პირველ რიგში, ბიზნესგარემოზე, მის განვითარებაზე და შესაბამისად იმაზე, რამდენად სწრაფად და ეფექტურად შეძლებს ბიზნესი სამუშაო ადგილების შექმნას.

„დავიწყებთ საუბარს ტურისტული სექტორით, რადგან ბოლო წლების განმავლობაში ეს იყო ყველაზე დიდი გარღვევა, ყველაზე დიდი ზრდა გვაქვს აქ და, რაც მთავარია, გადაცემის ეფექტი ამ დარგს აქვს ყველაზე დიდი. მოგესხებათ, რომ 2018 წელი ჩვენ დავამთავრეთ დაახლოებით 7 მილიონზე მეტი ვიზიტორით ქვეყანაში და დაახლოებით 3,2-3,3 მილიარდი დოლარი შემოსავლებით ჩვენი ეკონომიკისთვის. რა თქმა უნდა, ეს ძალიან მნიშვნელოვანია, თუმცა გამოწვევები ძალიან ბევრია, რომელზეც დღეს ჩვენ აქ უნდა ვისაუბროთ. უნდა ვიცოდეთ, რომ არც ერთი ნაბიჯი სექტორში არ იქნება გადადგმული თქვენთან საუბრის გარეშე. ეს იქნება წესი, რომლის მიხედვითაც ჩვენ ვიმოქმედებთ. ჩვენ კარგად უნდა ვიცოდეთ, რა არის მთავრობის ფუნქცია აქ.“

მთავრობის ფუნქცია არის თქვენთან ერთად იზრუნოს ბაზრების დივერსიფიცირებაზე, ახალი ტურისტული პროდუქტების შექმნაზე და დარგში საუკეთესო საინვესტიციო გარემოს შექმნაზე. ეს არის ჩვენი ძირითადი ამოცანა“, — აღნიშნა პრემიერმა.

ზაზა ხუციშვილი: 70 წელს გადაცილებული პენსიონერებისთვის პენსიის დამატებით ზრდა იანვრიდანვე რატომ არ მოხერხდა?

საპარლამენტო უმრავლესობის დეპუტატი ზაზა ხუციშვილი დაინტერესდა, რატომ არის 70 წელს გადაცილებული პენსიონერებისთვის პენსიის დამატებით 30-ლარიანი ზრდა მომავალი წლის ბიუჯეტში გათვალისწინებული პირველი ივლისიდან და არა წლის დასაწყისიდან.

ფინანსთა მინისტრის მოადგილემ განმარტა, რომ ამის რესურსი, რასაც დაახლოებით 80 მლნ ლარი სჭირდება, მომავალი წლის დასაწყისში არ იყო.

„რაც შეეხება იმას, რომ 70 წელს მიღწეული და შემდეგ პენსიონერები კიდევ დამატებით 30 ლარს პირველი ივლისიდან მიიღებენ და არა პირველი იანვრიდან, სამწუხაროდ, არ გვეყო რესურსი, დამატებით დაახლო-

ებით 80 მლნ ლარი უნდოდა ამას და რესურსი ვერ გამოიძებნა. სწორედ ამიტომ მოხდა, რომ პირველი ივლისიდან მიიღებენ. რაც შეგვეძლო, გადაგვეწინაღობინა და მაქსიმალურად ადრე დაგვეწყო, დავეწყეთ თითოეული მიმართულებით — ეს იქნება პოლიციელების ხელფასი, სასწრაფოს თანამშრომლების ხელფასი თუ პენსიების დამატებითი ზრდა. საიდანაც შესაძლებელი იყო, რესურსი გვექონოდა, იმ თვიდან დავეწყეთ და ამიტომ გადავიდა სხვადასხვა თვეში. მეტი ფული რომ გვექონოდა, რა თქმა უნდა, უკეთესი იყო, პირველი იანვრიდან დაგვეწყო პენსიების დამატებითი ზრდა“, — აღნიშნა გიორგი კაკაურძემ.

კახა კალაქი ტაქსიზზე გადამეტებული ფასების „ღარბულირებას“ გვპირდება...

კითხვაზე, ტაქსით მგზავრობის საფასური გაიზარდა და გამოწვეულია თუ არა ეს ტაქსების რეფორმით, კახა კალაქი აღნიშნა, რომ ამ საკითხზე კომუნიკაცია შესაბამის კომპანიებთან გაიმართა და პრობლემა აღმოფხვრილია.

„თუ არის რიგი შემთხვევები გადამეტებული ფასების შესახებ, ყველაფერს გავაკეთებთ, რომ ეს დარეგულირდეს! მისივე თქმით, დედაქალაქის მთავრობის მთავარი მიზანი არის საზო-


გადობრივი ტრანსპორტის რეფორმა და არსებული პარკის ჩანაცვლება.

„ჩვენი ამოცანა ავტობუსების არსებული პარკის ჩანაცვლება, რომელიც არის უმძიმეს, კატასტროფულ მდგომარეობაში და ყველანაირი რესურსი ამონურულია. ეს პროცესი დაწყებულია. ჩვენი ამოცანა მიკროავტობუსების ჩანაცვლება. დარწმუნებული ვარ, ამ პროცესის ბოლომდე მიყვანის შემდეგ გაიზარდება მოთხოვნა საზოგადოებრივ ტრანსპორტზე,

პარალელურად ხდება ტაქსების რეფორმა და მთავარი ამოცანა არის, რომ ვინც სარგებლობს ტაქსის სერვისით, მისთვის ეს იყოს კომფორტული, სუფთა, ახალი, უსაფრთხო ავტომანქანა. საბოლოო ჯამში ამან შეიძლება გამოიწვიოს ტაქსის გაძვირება და ეს ნორმალურია. თუ ვინმეს ეს პრობლემა ექნება, იქნება ავტობუსები, იქნება მეტრო, რეაბილიტირებული ახალი ვაგონები. ეს რთული პროცესი ჩვენ დაწყებული გვაქვს...



ნულუკიანა კახიკაძის ნიღაბი რამოსსნა



ოთარ კახიკაძე საქართველოს გენერალური პროკურორის უზენაესი სასამართლოს უკიდურეს მოსამართლის კანდიდატის შალვა თაღუმაძის იურიდიულ დიპლომთან დაკავშირებით განაცხადა: ნულუკიანი ისე დანიშნეს გენერალურ პროკურორად, მას იურისტის დიპლომი არ ჰქონია, ახლა კი მეორე სერიოზული იუსტიციის მინისტრმა თეა ნულუკიანმა „ეფროპული საქართველოს“ დეპუტატის ოთარ კახიძის განცხადებას ჩვეული იუმორით უპასუხა:

„მე ასე ვიტყვით: შენ ისეთი დიდი იურისტი ხარ, დიდი დიპლომით, ოთარ, რომ ვანო მერაბიშვილის საქმეზე პირნიშნა და დამარცხდი ჩემ წინააღმდეგ სტრასბურგში და იმედოდ ისლა დაგრჩა, საკნიდან გაიყვანესო, ამ ეპიზოდს ეპოტინები. იმას მაინც ვერ იძახი, გაიყვანეს და ცემესო, ანდა გაიყვანეს და აწამესო, ან კიდევ გაიყვანეს და ცოცხით შეურაცხვესო, და ეს გწყინს, მაგრამ ვერ იტყვი და რას იზამ. ვანო პოლიტიკური პატიმარი არ არისო, მისი პო-

ლიტიკური სცენიდან გაყვანის მიზანი საერთოდ არ ჰქონია ხელისუფლებასო, დაკავებაც კანონიერი იყო და პატიმრობაცო, ეს თქვა სტრასბურგმა იმის მიუხედავად, რომ ძალიან დიდი დიპლომი გეყოფს და არაკომპეტენტურად ცდილობდი სასამართლოს შეცდომაში შეყვანას.

ბევრი ფულიც მიიღე ჰონორარად „საწყალი“ პატიმრისგან და სტრასბურგის სასამართლოს სთხოვდი, ამინაზლაურეთ ეს თანხაო: 202 საათი ვიმუშავე ამ საქმეზე, რაც ჯამში 39 390 აშშ დოლარი დამიჯდაო (საკუთარი თანამებრძოლის დასაცავად, ამის დათვლა მაინც არ დაგვზარა, ბიჭო?). სასამართლომ სრულად უარყო ეს შენი მოთხოვნა, ბევრ სხვასთან ერთად.

ახლა, რაღა დაგრჩა, აბა. თებერვალში დაუსრულდება მისჯილი სასჯელი მერაბიშვილს და რომ გამოვა, მე რე მაინც გასცემ ალბათ პასუხს მას იმის შესახებ, თუ რას ატყუებდი, რაში ვერ და არ დაიცავი და რატომ. ჰოდა, მოემზადე, ლუზერო!“

აზარტულ თამაშებს სჭირდება ისეთი რეგულირება, რომ დასული იყოს ჩვენი საზოგადოება

აზარტული თამაშები არის სოციალური პრობლემა, რომელსაც კომპლექსური მიდგომა და დარეგულირება სჭირდება ისე, რომ დაცული იყვნენ არასრულწლოვნები და

დაცული იყოს ჩვენი საზოგადოება, — განაცხადა პარლამენტის თავმჯდომარემ არჩილ თალაკვაძემ. პარლამენტის თავმჯდომარის თქმით, ამ პრობლემასთან კომპლექ-

სური მიდგომა საჭირო — განათლება, ახალგაზრდების დასაქმება, სპორტი, სამართალდამცავი კომპონენტი, ფსიქოლოგიური დახმარება და ეკლესიის მონაწილეობა.

საქართველოს მოქალაქეების შენარჩუნების მოთხოვნის

საპარტოველოს მოქალაქეების შენარჩუნების მოთხოვნით იუსტიციის სამინისტროს სერვისების განვითარების სააგენტოს 9348 საქართველოს მოქალაქეები მიმართა. ამის შესახებ გუშინ გამართულ პრესკონფერენციაზე იუსტიციის მინისტრის მოადგილემ მისილ სარჯველაძემ განაცხადა.

როგორც სარჯველაძემ აღნიშნა, საქართველოს მოქალაქეებს, რომლებიც სხვა ქვეყნის მოქალაქეებიც არიან, მაგრამ ვერ არ შეეჩერებიათ საქართველოს მოქალაქის სტატუსი, 2019 წლის 15 აგვისტომდე შე-

საძლებლობა ჰქონდათ, მიემართათ საქართველოს იუსტიციის სამინისტროს სახელმწიფო სერვისების განვითარების სააგენტოსთვის და მოეთხოვათ საქართველოს მოქალაქეობის შენარჩუნება.

საქართველოს პრეზიდენტმა სალომე ზურაბიშვილმა „საქართველოს მოქალაქეობის შესახებ“ საქართველოს ორგანულ კანონში ცვლილებას 4 ოქტომბერს მოაწერა ხელი. ამ ცვლილების თანახმად, საქართველოს მოქალაქეობის შენარჩუნების მოთხოვნის ვადა 2020 წლის 31 დეკემბრამდე გახანგრძლივდა.



საქართველოს მეცნიერებათა ეროვნული აკადემიის

განცხადება

საქართველოს მეცნიერებათა ეროვნული აკადემიის პრეზიდიუმის დადგენილებით, 2019 წელს გამოჩენილ მეცნიერთა სახელობითი აკადემიური პრემია მიენიჭათ:

- 1. აკადემიკოს ავთანდილ კორასაშვილს - ლეონარდო დე კაპრელივიჩის სახელობის აკადემიური პრემია ნაშრომისათვის „აგროტექნოლოგიური ნორმატივები.“
2. პროფესორ დუდანა გაჩეჩილაძეს - ფრიდონ თოდუას სახელობის აკადემიური პრემია ნაშრომისათვის „ექსტრაკრანული სისხლძარღვთა პათოლოგიების არაინვაზიური სხივური დიაგნოსტიკა“.

საქართველოს მეცნიერებათა ეროვნული აკადემია



რუსეთი საქართველოსგან ბოღიუს ითხოვს

საქართველოს პრეზიდენტმა სალომე ზურაბიშვილმა საჯაროდ უნდა მოიხადოს ბოდიში ანტირუსული გამონათქვამების გამო, უარყოს ისინი და მხოლოდ ამ შემთხვევაშია შესაძლებელი რუსეთთან ურთიერთობების ნორმალიზებაზე საუბარი, - განაცხადა რუსეთის პარლამენტის სპიკერმა ვიჩეხლავ ვოლოდინმა.

„საქართველოს პრეზიდენტმა, რომელმაც საჯაროდ უწოდა რუსეთს აგრესორი ქვეყანა, უნდა უარყოს ეს ბრალდება, მოიხადოს ბოდიში, და განმარტოს თავისი პოზიცია. როგორ შეიძლება ურთიერთობების განვითარება მაშინ, როდესაც საქართველოს ხელმძღვანელობა ასე იქცევა?“ - თქვა მან.

ვოლოდინმა ასევე მიაქცია ყურადღება იმას, რომ ევროპის საბჭოს საპარლამენტო ასამბლეაში ანტირუსული ინიციატივებით, როგორც წესი, გამოდიან აშშ-ის სატელიტი ქვეყნები - ბალტიის სახელმწიფოები, პოლონეთი, უკრაინა და საქართველო.

„ისინი რომ სერიოზულ განვითარებაზე ფიქრობდნენ, არასდროს არ წავიდოდნენ ამგვარ ნაბიჯებზე. რისთვისაა საჭირო კონფლიქტები, როდესაც შესაძლებელია ურთიერთობების აწყობა გასაგებ პრინციპებზე, ურთიერთპატივისცემის, კეთილმეზობლობის და შიდა საქმეებში ჩაურევლობის საფუძველზე?“ - მიიჩნევს ვოლოდინი.

რუსი დეპუტატი პარალელს ავლებს საქართველოს და უკრაინას შორის. „უკრაინა ვერ განვითარდება რუსეთის მიმართ აგრესიული პოზიციის შენარჩუნების პირობებში. ჩვენ გვაერთიანებს უზარმაზარი საზღვარი, სავაჭრო, კულტურული, ისტორიული კონტაქტები. შეუძლებელია ჩვენს შორის კედლის აგება“ - დარწმუნებულია სახელმწიფო სათათბიროს სპიკერი.

მისი თქმით, ქვეყნები, რომლებიც რუსეთთან კონფლიქტის ესკალაციას ახდენენ, საკუთარ თავს უზარმაზარ პრობლემებს უქმნიან - როგორც ეს საქართველოს მოუვიდა.

„დაიწყო ამ ქვეყანასთან ურთიერთობების ნელა-ნელა გამოსწორება, თუმცა, ვიდაცას დასჭირდა თბილისში კონფლიქტის მოწყობა, როდესაც რუსეთის დელეგაცია ჩავიდა თბილისში მართლმადიდებლობის საპარლამენტო შორისო ასამბლეაზე. საქართველოს პრეზიდენტმა კი, იმის ნაცვლად, რომ ჩარეულიყო და დაეგმო მომხდარი, რუსეთი აგრესორად გამოაცხადა“ - განაცხადა ვოლოდინმა.

მისი თქმით, სწორედ პრეზიდენტი აგებს პასუხს ქვეყანაში უცხოური დელეგაციების უსაფრთხოების საკითხებზე.

„დღეს ის დუმს, არაფერს არ ამბობს. ქართველი საზოგადოება ამბობს - ჩვენ უნდა გამოვასწოროთ ჩვენი შეცდომები. ახლა ხელისუფლებამ უნდა გამოიკეთოს საკუთარი აზრი ამასთან დაკავშირებით. მათ ეყოთ ტვინი გამწვანებისთვის, რუსი ხალხის შეურაცხყოფისთვის, ახლი კი გაჩუმებული არიან“, - განაცხადა სპიკერმა.

NEWSRU.COM

ვასტანბ ძაბირაძის განცხადებით, ჯერჯერობით ამომრჩეველი ორი პოლიტიკური ძალით „ქართული ოცნებით“ და „ნაციონალური მოძრაობით“ უნდა დაკმაყოფილდეს. თუმცა, როგორც კონსტიტუციონალისტი აცხადებს, მნიშვნელოვანია, იცვლება საარჩევნო სისტემა, რაც იმას ნიშნავს, რომ ხმები ნაკლებად დაიკარგება. მისი თქმით, დიდია ალბათობა იმისა, რომ არჩევნებში 50%-იანი მხარდაჭერა ვერ მიიღოს ვერც ერთმა პარტიამ და ასეთ შემთხვევაში, შესაძლოა, წვრილმა პარტიებმა გადაწყვიტონ რომელი პოლიტიკური ძალა მოვა ხელისუფლებაში. ძაბირაძე არ გამოირიცხავს, რომ წვრილმა პარტიებმა ულტიმატუმი წაუყენონ „ქართულ ოცნებას“ და „ნაციონალურ მოძრაობას“ და მთავრობის დაკომპლექტების საკუთარი გეგმა შესთავაზონ.

ვასტანბ ძაბირაძე დღეს ჩვენი გაზეთის სტუმარია.



- ბიზნესიდან პოლიტიკაში, მას შემდეგ, რაც პროკურატურამ გამოძიება დაიწყო საეჭვო ტრანზაქციებთან დაკავშირებით. როგორ ფიქრობთ, საზარაძე იძულებით არის პოლიტიკაში შემოყვანილი? რა ფენომენია ქართული პოლიტიკისთვის „თიბისი ბანკის“ დამფუძნებელი?

- ბევრი ვერსიაა და შეიძლება ამ ვერსიების დალაგება. უკეთესი მოლოდინი მქონდა საზარაძის პოლიტიკაში შემოსვლით. ველოდი, რომ უფრო აქტიური და პოზიტიური იქნებოდა მისი გამოჩენა პოლიტიკურ ველზე, მაგრამ ასე არ მოხდა. თავად გუნდის წარდგენის ეს იდეა... არ ვიცი, ეს გეგმა ვინ შეთავაზა, წარდგენა მარტო გვარების დასახელება ხომ არ არის? გარკვეულწილად, პოლიტიკური ძალის პიარიც არის, მაგრამ ძალიან უღიმიამოდ მიდის გუნდის წარდგენის პროცესი, თუ არ ჩავთვლით 12-12 კაცის წარდგენას, რაც ნებისმიერ პარტიას შეუძლია გააკეთოს. პოლიტიკაში წარდგენილი 12 ადამიანი, რომელთა უმრავლესობა საზოგადოებისთვის სრულიად უცნობია, შესაძლოა, თავისი საქმის პროფესიონალები არიან, მაგრამ პოლიტიკურად არააქტიური ადამიანი არაფერის მომტანი არ არის.

რატომ შემოვიდა საზარაძე პოლიტიკაში? როგორც კი დაიწყო დაპირისპირება საზარაძესა და ხელისუფლებას შორის, მაშინვე თქვა, რომ პოლიტიკაში წასვლას არ აპირებდა, თუმცა დარწმუნებული ვიყავი, რომ პოლიტიკაში წავიდოდა, რადგან ასეთი ტრადიცია ჩამო-

„საპარლამენტო, საზარაძე პოლიტიკაში მიღის საკუთარი ბიზნესის დასაცავად, ან - კოალიციაში, ალბათ, ივანიშვილთან“...

ყალიბდა - ხელისუფლებასთან დაპირისპირებული ბიზნესმენი, ან მიღის საზღვარგარეთ, ან პოლიტიკაში. სხვა არჩევანი საქართველოში ბიზნესმენს არა აქვს. ამიტომ დარწმუნებული ვიყავი, რომ წავიდოდა პოლიტიკაში.

- ამომრჩევლის რომელ სეგმენტზე მუშაობს საზარაძე?

- ეს არის მთავარი კითხვა და ამ კითხვაზე პასუხის გაცემა მოგვცემდა იმის საშუალებას, გვეფიქრა, რამდენად დამოუკიდებელი იყო საზარაძე, როდესაც ქართული პოლიტიკაში შემოვიდა. როგორც ჩანს, საზარაძე მუშაობს „ქართული ოცნებიდან“ წასულ ამომრჩეველზე, სხვა სეგმენტზე საზარაძე ვერ იმუშავებს.

როცა ვთქვი, რომ მეტი მოლოდინი მქონდა, ვთვლიდი, რომ მას შეეძლო გაეკეთებინა გარკვეული პიარსკვლები და სხვაგვარად შემოსულიყო პოლიტიკაში. ვიფიქრებდით, რომ

იმუშავებდა მთლიანად მთელ ამომრჩეველზე და შეეცდებოდა წაეღო რაც შეიძლება მეტი. დღეს მისი პრეზენტაციები ისეთი მოკრძალებულია, ვფიქრობ, მუშაობს ამომრჩევლის იმ ნაწილზე, რომელიც „ქართული ოცნებიდან“ წავიდა, მაგრამ არ მიდის „ნაციონალურ მოძრაობაში“. არ ვიცი, რამეს შეცვლის თუ არა, მაგრამ თუ ასე გაგრძელდა, საზარაძე იქნება ერთ-ერთი ოპოზიციური პარტია, რომელიც ამომრჩეველთა 5%-ს მაინც წაიღებს.

- საზარაძე ამბობს: არც „ნაციონალური მოძრაობა“ და არც „ქართული ოცნება“...

- გასაგებია, მაგრამ ის ვერ იქნება გამწვავი ლოკომოტივი იმ ოპოზიციური ძალებისა, რომლებიც თვლიან - არც „ოცნება“ და არც „ნაციონალური“. ჯერჯერობით საზარაძეს ამაზე პრეტენზია ვერ ექნება.

იხ. 9 გვ.

ლევან ჯიქური გირაოს სანაცვლოდ ბათამისუფლდა

20-21 ივნისის მოვლენებზე დაკავებული ლევან ჯიქური 2 000-ლარიანი გირაოთი პატიმრობიდან გათავისუფლდა. ლევან ჯიქურისთვის აღკვეთის ღონისძიების სახით გირაოს შეფარდების შუამდგომლობა მისმა ადვოკატმა ალექსანდრე ზუბიაშვილმა დააყენა. აღნიშნულ შუამდგომლობას ბრალდების მხარეც დაეთანხმა.

სასამართლოს გადაწყვეტილებამდე ბრალდების მხარემ წარადგინა სამედიცინო ექსპერტიზის დასკვნა, რომლის მიხედვითაც, საქმის პროკურორების განცხადებით ჯიქურის ჯანმრთელობის გარკვეული პრობლემა აქვს და სამედიცინო დახმარება სჭირდება. სასამართლოს სხდომაზე ლევან ჯიქურმა ბრალდება ნაწილობრივ აღიარა და განაცხადა, რომ აქციაზე იმყოფებოდა. მისივე თქმით, ვიდეოშიც ჩანს, ის ფარით მოქმედებდა, თუმცა ჯგუფურ ძალადობას არ ეთანხმება. ასევე სასამართლოს სხდომაზე ერთ-ერთ



თმა ბრალდებულმა ბესიკ თამლიანმა განაცხადა, რომ ის უკვე ცხრა დღეა, შიმშილობს და შიმშილობას შეწყვეტს, თუ ბრალდებულ ლევან ჯიქურის მიმართ არასაპატიმრო ღონისძიება იქნება გამოყენებული.

სასამართლოს გუშინდელ სხომაზე 20-21 ივნისის მოვლენებზე ჯგუფურ ძალადობაში მონაწილეობის ბრალდებით დაკავებული ხუთი პირის სასამართლო გაიმართა. მათ შორის იყვნენ ზურა ბუდუაშვილი, ბესიკ თამლიანი ცოტნე სოსელია ლევან ჯიქური ცოტნე ცოტნიაშვილი კახაბერ კუპრეიშვილი.

თბილისის პოლიციის ნაკომპანი თანამშრომელი დააკავეს


საქართველოს შინაგან საქმეთა სამინისტროს გენერალურმა ინსპექციამ ნარკოტიკული საშუალებების მოხმარების ფაქტზე თბილისის პოლიციის დეპარტამენტის თანამშრომელი ჰ.მ. დააკავა. ინფორმაციას საქართველოს შინაგან საქმეთა სამინისტრო ავრცელებს.

„7 ოქტომბერს ჰ.მ.-ს ბრალი წარედგინა სსკ-ის 260-ე მუხლის პირველი ნაწილით და 236-ე მუხლის მესამე ნაწილით.

თბილისის საქალაქო სასამართლომ ბრალდებულს აღკვეთის ღონისძიების სახით საპატიმრო გირაო შეუფარდა. ჰ.მ. ჩადენილ დანაშაულს აღიარებს“, - აღნიშნულია შსს-ის ინფორმაციაში. უწყების ცნობით, საქმეზე გრძელდება საგამოძიებო და საპროცესო მოქმედებები.

სსსა+ ახალი სამომავლო პროგრამა + FRIEDRICH EBERT STIFTUNG ფრიდრიხ ებერტის ფონდი

წყალმომარაგების რეაბილიტაცია იმერეთში და საზოგადოება



უამრავ ბექდგურ პროექტისათვის ერთად „სასა“ ფრიდრიხ ებერტის ფონდისა და გაზეთის „სარკმელი საქართველოს“ თანადგომით 2009 და 2010 წლებში გამოცხადდა ქუთაისისა და იმერეთის წყალმომარაგების პრობლემებისადმი მიძღვნილი ორი ბროშურა, რომელთაგან 2009 წელს გამოცემულის გარეკანზე ჩანს ქალაქში ბევრგან გამოკრული იმ ბანერებიდან ერთ-ერთი, რომელიც მაშინ ქუთაისელებს ჰპირდებოდა: 24-საათიანი წყალმომარაგება წლებულს აუცილებლად გექნებათ.

ქუთაისელებს კარგად გვახსოვს ქალაქის ყველა თვალსაჩინო ადგილას, მათ შორის ცენტრალურ მოედანზე გაკრული უზარმაზარი ბანერები, რომლებიც ჯერ კიდევ 12 წლის წინათ დიდი ზარ-ზეიმით გვირგვინდებოდნენ 24-საათიანი წყალმომარაგებას, მაგრამ წელიწადები წელიწადებს ცვლიდა, წყლის ერთი მეტრით მეტად — მეორეს, წინანდელ თუჯისა და ფოლადის მილებს — სინთეტიკური მასალებით დამზადებული მილები, უცხოეთიდან მიღებულ ძველ ვალს — ახალი, დამატებითი ვალები, რაც ჩვენს შთამომავლებს დარჩებათ უმძიმეს ტვირთად, რამეთუ, „თაობა მიდის, თაობა მოდის, დედამინა კი უცვლელია მარადიულად“ და ამ მხრივ ქუთაისი როგორ შეიძლება გამოინაკლის იყოს, რომ აქ ვინმე „შეაგროვოს ქარი პეშვში და მიიზნოს წყალი თავის სამოსზე“. ამის შეუძლებლობაზე — პეშვში ქარის შემგროვებელი საქმისწინებისაგან თვალახვეულ და დაბრმავებულ მოსახლეობას ჯერ კიდევ ბიბლიური ხანიდან ამუნათებდა იგივე ბრძენი, მაგრამ დაუჯერა ვინმემ? ჰოდა, სავარაუდოდ, უკვე ახლოვდება შამი, როდესაც ჩვენი ქვეყნის ერთ-ერთი ყველაზე დიდი სიმდიდრე, სასმელი წყალიც ისევე კატასტროფულად გაძვირდება, როგორც „ბორჯომი“, სამშობლოს ნაკუნ-ნაკუნ გამყიდველმა სართად რომ მიართვა იმ უცხოელ ბაყბაყდევებს, რომლებმაც მეოცე საუკუნეში მიტაცებულისა და გაჩუქებულის გარდა, ადრე წართმეულს 21-ე საუკუნეში საქართველოს დარჩენილი ტერიტორიის მესხეთედ იც შემატეს და ოკუპირებული აფხაზეთიდან და სამაჩაბლოდან მავთულხლართებით გამოგვყვეს.

ამ ფიქრებით დამძიმებულმა შევალე კარი წერეთლის გამზირზე იმ დარბაზში, სადაც იმერეთის რეგიონის ახალგაზრდული სამეცნიერო-საინფორმაციო ასოციაცია აწყობდა შეხვედრას და მიპატიუბითანავე მონაწილეობას სიამოვნებით დავთანხმდი, რადგან ასოციაციას თავკაცობს დიდი პრაქტიკული გამოცდილების პროფესიონალი ზაზა ხელაძე, რომელიც ახალგაზრდული გუნდი ისე ჰყავს განაფული ბევრ საჭირობო-როტო საკითხში, რომ მათ მიერ ორგანიზებულ ღონისძიებებში ბევრი რამ არის საინტერესო. გამონაკლისი არც ეს შეხვედრა გამოდგა, თუმცა, როგორც ახალგაზრდული სამეცნიერო-საინფორმაციო ასოციაციის შემადგამებელ ანგარიშიში ხაზგასმით აღინიშნა: „შეხვედრაზე დროულად გამოცხადდნენ მხოლოდ მომხმარებლები, არასამთავრობო ორგანიზაციების, მათ შორის წყალმომარაგების მარეგულირებელი ეროვნული კომისიის წარმომადგენლები, მაგრამ დაუდგენელი მიზეზების გამო საერთოდ არავინ მოსულა აზიის განვითარების ბანკიდან, თავად კომპანიიდან, სამინისტროდან, ხელისუფლებიდან და, რაც განსაკუთრებით ხაზგასასმელია, მთავარი მშენებლობის მთავარი „სმკ“-დან, რომლის „დამსახურებაცაა“ მშენებლობის გაძვირება, ჩაბარების საბოლოო ვადის წლითინლობით გადადება და მრავალწლოვანი გაცრუებული იმედი, რაც ქალაქის 24-საათიანი მომარაგების ამჟამინდელ დათქმულ ვადასაც სათუოდ ხდის.

* * *

ვალდებულებათა შესრულების მიმდინარეობის თაობაზე ინფორმაციის მიწოდე-

ბევრჯერ განიორწყლებული პრობლემა

ბისგან თავის არიდება „სასა“-მ აღიქვა „როგორც პრობლემის გადაწყვეტისადმი უპასუხისმგებლო დამოკიდებულება“ და ამ შეფასებას სავსებით ვეთანხმები, რამეთუ ამაში ღრმად დამარწმუნა ამავე ასოციაციის მიერ გამოვლენილი ტექნიკურმა, ტექნოლოგიურმა, სამშენებლო და ორგანიზაციულმა შეცდომებმა, რაც დამახასიათებელი და თანმდევი იყო მრავალი წლის მანძილზე გაჭიანურებული მშენებლობისათვის, რომლის დასრულებას უამრავჯერ გვირგვინდებოდნენ, მაგრამ სამშუათა საბოლოოდ დამთავრება წლებადლისთვის დათქმულ ვადაზე — 23 დეკემბრისთვისაც კი სააღბათოა. ეს იმის მიუხედავად ითქმის, რომ წინა პერიოდთან შედარებით ტემპი გაზრდილია, მაგრამ საკმარისად — არა!

„სასა“ თავმჯდომარის მიერ ფაქტებით არგუმენტირებული მოსხენების შემდეგ სიტყვით გამოვიდა მონვეულ ინჟინერთა ჯგუფის წარმომადგენელი, ეგრეთ წოდებული „უბტიისელი“ გვანცა ლუკაჯა. მან ყურადღება გაამახვილა იმ დამატებით სამუშაოებზე, რომლებიც გათვალისწინებული არ იყო თავდაპირველ პროექტში და „სმკ“-მ შეასრულა. ითქვა დგარების, შენობებთან მიერთების ელემენტების და ზოგიერთ სხვა დამატებით სამუშაოთა შესახებ და ამით გამოწვეული იმ დანახარჯებზე, რომელიც თავდაპირველად გათვალისწინებული არ ყოფილა, მაგრამ რატომღაც ყურადღება არ გამახვილებულა აღრიცხვის მიუერთებელ ბლოკებზე, სამკომპლექსო მანქანების მიერ მოწოდებული მასალის მიღების ეკონომიასა და ზოგიერთ სხვა მტკიცებულ საკითხზე, რის გამოც შეხვედრის მონაწილეთათვის ბევრი რამ პასუხაუცებელი დარჩა.

არაერთ პრობლემურ საკითხზე ისაუბრეს და წყლით მომარაგების ბევრ საჭირობო საკითხზე მოითხოვეს კონკრეტული პასუხი მომხმარებლებმა. კომპლექსისა და შესაძლებლობის ფარგლებში მათ ინფორმაცია მიაწოდა სემეკის წარმომადგენელმა გიგა ნადირაძემ, თუმცა იგივეს ვერ ვიტყვით იმ პასუხზე, რომელიც მისცეს შეხვედრის ერთ-ერთ ნევრს, ქალბატონ ლიანა კუპრაძეს, რომელსაც აინტერესებდა 2010 წელს ამერიკული ორგანიზაციის მიერ მიწვეული პროექტის შემოტანის და ქუთაისისთვის გადაცემული 21 ათასი მრიცხველის ბედი. ცნობილია, რომ მათგან ქუთაისის წყალმომარაგების 7800 კლიენტს მრიცხველები უფასოდ დაუდგეს, ხოლო სხვებს ფული გამოართვეს, რადგან დანარჩენი მრიცხველები ვიღაცამ მიითვისა, თუმცა ყველა მათგანი ქუთაისისთვის იყო შექმნილი და ქუთაისელებს უფასოდ უნდა მიხმარებოდა.

როგორც გაირკვა, ამ საგანგაშო შემთხვევის შესახებ ინფორმაციას სემეკელი სა-

ზოგადოებრივი დამცველი ნინო გულიშვილი ფლობდა, მაგრამ მან მოიბოდიშა, ინფორმაციას მხოლოდ ნაწილობრივ ვფლობ, რამეთუ არ მახსოვს 9 წლის წინანდელი დეტალები.

როდესაც ამ განმარტებას ვისმენდი, თავი ძლივს შევიკავე, რადგან ტრიბუნასთან ახალგაზრდა ქალი იდგა, თორემ მთელი ხმით მიმდოდა, მეყვირა: ეს თუ არ გახსოვს, რა დაიხსომე შენი უშუალო მოვალეობისაგან, საზოგადოებრივი დამცველი? რამ დაგავინცა მოვალეობა, რომ არავისთვის უნდა მიგეცა გალატაკებული თანაქალაქელების ძარცვის უფლება იმ 13 ათასამდე მრიცხველის დადგმისას, რომელიც ქალაქს საშინალოდ აჩუქეს და მათსავე 7.800 მეზობელს სრულიად კანონიერად, ყველა სამართლებრივი წესის დაცვით უფასოდ დაუდგეს? გულმავინცობა, როგორც ამ შეხვედრის შემდგომ კიდევ უფრო დავრწმუნდი, საკმაოდ გავრცელებული სენია, თანაც არა იმდენად იმ თაობისთვის, რომელსაც მე მივეკუთვნები, არამედ ახალგაზრდებისთვისაც.

წლებს, როდესაც ხალხი, რომლებიც მართვის საქმესთან იდგა, არ ამაცობდა იმით, რომ გაზეთებს არ ვკითხულობო და თითოეულ პუნლიკაციასთან დაკავშირებით რეაგირება უსწრაფესი და უმწვავესი ჰქონდა. თუმცა, როგორც იტყვიან, ხშირად ნაბან წყალს ბავშვსაც გადააყოლებდნენ ხოლმე. ამ მხრივ განსაკუთრებით გამოირჩეოდა ცენტრალური კომიტეტის ის ხელმძღვანელი მუშაკი, ვინც ვაჭრობის საკითხებს კურირებდა და როგორც კი ფასების დამახინჯება, ჩხუბის, მკვლელობათა თუ სხვა დანაშაულის შესახებ კრიტიკულ გამოცხადებას ნაწყვეტობდა, დაუყოვნებლივ გაიშურებდა ამ ობიექტებს მანად, ვიდრე უწრწლისტო კავშირის ყრილობაზე სიტყვით გამოსვლისას არ ვთქვი: თუ ასე განვაგრძებ და დანაშაულთან ბრძოლის ნაცვლად ობიექტები გავაუქმებ, ქალაქში აღარც ერთი სავაჭრო ჯიხური აღარ შეგვრჩება-მეთქი. ამას იმიტომ ვიკონებ, რომ საკმაოდ მძიმე ხელით შესრულებული ეს სტატია იმიტომ კი არ დამინერია, რომ დღევანდელი საზოგადოების საერთო სენის გამო ვინმე მოიკვეთოს და კრიტიკული გამოსვლის მომიზეზებით საშუაოდან დაითხოვონ, არამედ იმიტომ, რომ ჩემი შვილისა და შვილიშვილების თანატოლებმა მეტი პასუხისმგებლობა იგონონ, რადგან საზოგადოებას არაფერი რჩება შეუჩვენელი და შეუფასებელი — არც კარგი და არც ცუდი!

* * *

არადა, პრობლემა რომ გავრია, ეს ამ შესვედრამ თვალნათლივ დაადასტურა მთავარი ფიგურანტების — გვანცა ლუკაჯის, საქართველოს ბაერითანაშუი წყალმომარაგების, რეკონსტრუქციით დანიშტარსაშუი უწყისების მოუხველოებით გამომწვეული უხერხულოებითა



მონიტორინგის ჯგუფის ხელმძღვანელი, პროფესორი თეიმურაზ შაუთიძე სამშუათა დათვალიერებისას

ამის დასტურად შორს წასვლა არ დამჭირდება. შეხვედრისას ჩემს გვერდით იჯდა ახალგაზრდა, რომელმაც გარეგნობითა და ზრდილობიანი სიტყვა-პასუხით თავი დამახსოვრა. იგი „ქუთაისწყალის“ შედარებით ახალდანიშნული უფროსი გამომწვევა.

ჩვენი ქალაქი საკმაოდ მოზრდილია, მაგრამ იმერეთისათვის დამახასიათებელი სითბოთი გამოირჩეული და, როგორც წესი, ყველანი ყველას ვიცნობთ. ამიტომ არ გამკვირვებია, როდესაც მომიბრუნდა და მოკრძალებით მკითხა: ბატონო ალექსანდრე, თქვენ ხომ არაფერი გაქვთ სასაყვედურო ან სათქმელი ქუთაისწყალისთვისო. საჩემო არაფერი, სადღეღამისო უწყვეტ წყალმომარაგებაზე უკვე ბევრი რამ ითქვა და ბოლოს და ბოლოს ჩვენი ქალაქი მოესწრება ამ ბედნიერებას, ასე რომ, პირადული სათხოვარი არა მაქვს, მაგრამ ერთი რამ მანუხებს და კარგი იქნება, თუ ყურადღებას მიაქცევთ: ჩვენს ქუჩაზე, მათ შორის ჩემს კერძო სახლში წყლის ხარჯს ყოველთვიურად ერთი ძალზე ზრდილობიანი და სიმპათიური თქვენი თანამშრომელი, ახალგაზრდა ქალბატონი აღრიცხავს და რამდენჯერმე თურმე რკინის მესრზე მოუწია გადასვლა, რადგან სახლში მარტო ვცხოვრობ, პროფესიის გამო ხშირად არა ვარ შინ და ალაყაფის კარს ვკეტავ.

— ეს ძნელი მოსაგვარებელი არ არის, მრიცხველს ლობის გარეთ, ტროტუართან გადავიტანო! — მპირდება და უბის წიგნაკში იწერს ჩემი მობილურის ნომერსა და მისამართს. თუმცა, ეტყობა, უბის წიგნაკი და პირებულის დახსომებასავით სადაღაც „დაკარგა“.

ამას რომ ვწერ, საგანგებოდ ვიხსენებ იმ

და მათ მიერ სათანადოდ შეუფასებელი პრობლემათა, მათ შორის თუნდაც იმ პრობლემათა, რომლებიც ეკოლოგიასა და ტექნიკურ საკითხებს უკავშირდება: წყალთან ჰაერის შერევის, რაც საბრძოლველად ზრდის გადსახადის ისედაც დიდ თანხას; პრობლემათა, რომლებიც დაკავშირებულია მაღალი კორპუსებში აღრიცხვის გლობალური ქსელზე მიერთებასთან, მჭიდრობის სატუბში სადგურიდან საფინანსოების წყლის მიწოდებასთან, ახალ ქსელთან სულხან-საბას, ნიკაძეს, გამარჯვების, კალაქისისა და სხვა უზუნაბი მიერთებასთან და, რაც განსაკუთრებით არსებითია, საკვანძო კითხვასთან: ამაჟერად მიინც ალსრულდება თუ არა მრავალწლოვანი დაპირებების „ფიცი მტკიცე“ — ქუთაისის წლებულს აუცილებლად ემდებარა 24-საათიანი, ანუ უწყვეტი სადღეღამისო წყალმომარაგება?

შენსოთ!

ფინანსისთვის ალტმშული თარიღი შორს ალარს არის — 23 დეკემბრამდე ორთვეანსაშუარის ალარს დარჩა და ვნახტრობ, ამ დიდ საძმეს შექიფაშულებამ ამაჟერად მიინც არ გაგვინიორწყლონ ქალაქისა და ჩვენი თანაქალაქელების საწუპარი იმედი!

ალექსანდრა შენგალია,
ქუთაისის საპაგიო მოქალაქე.



რას ეძებ, რა დაგიკარგავს...

ერთი თვის წინათ ტელევიზორში ყური მოგვარი, მთავრობა პენსიონერებს წამლების ერთ ლარად ჩუქებას ჰპირდებოდა. სიმართლე გითხრათ, არ დავიჯერე. ვიფიქრე, ალბათ, გვეხუმრებინან, თორემ, წამლებზე ამ ცეცხლისკიდებაში 1 ლარად რომელი ხელგაშლილი აფთიაქი გამოიმეტებს უსასხროდ მიტოვებული პენსიონერებისთვის მედიკამენტებს-მეთქი. მაგრამ, მერე და მერე ამაზე საუბარს რომ მოუხშირეს, თავი დავიწმუნე, რომ



წამლები 1 ლარად... ფააააფუ?!

ხელისუფლება ტყუილს არ იკადრებდა („არც არასდროს უკადრია!“) და ვითარების გასარკვევად კლინიკაში ოჯახის ექიმს ვენვიე. მან მითხრა, რომ წამლების იმ ჩამონათვალში, რომლის მიხედვითაც აფთიაქები მედიკამენტებს 1 ლარად გასცემენ, „კოპლაგილი“ და „სორვასტა“ (მე სწორედ ამ წამლებს ვღებულობ) შეტანილი არ არის, მაგრამ არის მათი შემცველები, რომლებსაც, თუ გენებავთ, რეცეპტით მიიღებთო. რა თქმა უნდა, დავთანხმდი და რეცეპტებით აღჭურვილმა პირველ რიგში საბურთალოს სოციალურ განყოფილებას (ასე ყოფილა საჭირო) მივკითხე. — ამ რეცეპტებით თქვენი სურვილისამებრ შერჩეული აფთიაქებიდან წამალს ვერ მიიღებთ, — გამაფრთხილეს სოც-განყოფილებაში და გამომიწოდეს იმ აფთიაქების ჩამონათვალი, სადაც მედიკამენტებს გასცემენ 1 ლარად. ჩამონათვალი კი გამოვართვიე, მაგრამ იქ დასახელებული აფთიაქები ქალაქის სხვადასხვა უბანში (ვაჟა-ფშაველას, ჭავჭავაძის გამზირი,

დიდი დილომი, ნუცუბიდის, არაყიშვილის ქუჩები და სხვა) ისე არიან დანალიკებული, ჩემისთანა სიჭაბუკილი მოხუციისთვის ამ ობიექტებზე წინ და უკან სირბილი ცოტა მკრეხელურად ხომ არ გეჩვენებათ? ვერ გეტყვით, ამაზე რა პასუხი აქვთ ჯანდაცვის სამინისტროს თავკაცებს (თავკალებს!), მაგრამ მათთვის საქმე რომ არ გამერთულებინა, ავდექი და სააფთიაქო მარულაში ჩემი ზრდასრული შვილიშვილები ჩავრთე. იცოცხლეთ, მათ ერთი აფთიაქიდან მეორეში მთელი ორი კვირა იორლა ცხენებივით იჭენავეს, მაგრამ რას ეძებთ, რა დაგკარგვიათ, სასურველი ერთლარიანი წამლები ვერცერთში ვერ მოიხელთეს... ვიფიქრე, ეს ჩემი ეშმაკუნა შვილიშვილები ხომ არაფერს იტყუებინან-მეთქი და ჩემს საცხოვრებელთან შედარებით ახლომდებარე ფარმაცევტში (გამსახურდას გამზირი №15-ში) პირადად შევიარე. თეთრხალთან აფთიაქარს ჩემთვის საჭირო წამლები ისე დაუწახველე, რეცეპტი არ მიჩვენებია.

— კი ბატონო, მაგ წამლებს ახლაც მოგართმევთ, რა რაოდენობით გნებავთ? — მეკითხება აფთიაქარი. — იმ რაოდენობით, რაც ამ რეცეპტებშია მინიშნებული, — ვპასუხობ. — ააა, ერთლარიანი წამლების რეცეპტები გაქვთ? — შეიშმუნა აფთიაქარი, — მაგით ამ წამლებს ვერ მოგცემთ. — რატომ, ქალბატონო, თუ ურეცეპტოდ მაძლევდით, რეცეპტით რატომ ვერ მომცემთ? — გავიკვირე. — იმიტომ, რომ 1 ლარად გასაცემი წამლები ჯანდაცვის სამინისტროს აღარ შემოუტანია. ადრე გვქონდა, მაგრამ სწრაფადვე გათავდა. ყველა აფთიაქში პასუხითიქმის სტანდარტულია — „წამლები 1 ლარად ჰქონდათ, მაგრამ გათავდა, წამლების ახალი პარტია კი ჯანდაცვის სამინისტროს აღარ შემოუტანია“... არაქათგაცილი პენსიონერები კი აფთიაქიდან აფთიაქში ამაოდ დარბიან, რადგან მათთვის განუთვინოლო ერთლარიანი წამლები ვითომ არის, თუმცა, ფაქტობრივად, არც არის. ამ სურათის შემხედვარეს თავი ზღაპარში მგონია (იყო და არა იყო, რა...) და ეტყობა, ჯანდაცვის სამინისტროს მესვეურებიც ზღაპარში ისე ცურავენ, რომ მათ მიერ ინიცირებულსა და რეალობას შორის განსხვავებას ვეღარც კი ამჩნევენ. თუკი ამჩნევენ, ზომებს რატომ არ იღებენ?!

ოთარ ხუციშვილი

შეახსილი

გზა არსაით...

ძალბატონი მაია ცქიტიშვილის უწყება საგურამოში მოასვალტებული გზის კეთილმოწყობის სამუშაოებს აწარმოებს. ძალიან კარგია, მაგრამ რატომღაც მუშახელი და ტექნიკა მხოლოდ უამინდობის დროს გამოჩნდება. ეს სამუშაოები წელიწადში გრძელდება, თუმცა თავისუფლად შეიძლება დასრულებულიყო თვენახევარში, მაქსიმუმ ორ თვეში. თუ ასე უპასუხისმგებლოდ მუშაობს სამინისტროს სხვა ობიექტებზეც, კარგად გვქონია საქმე. გაჭიანურებული მშენებლობა ყოველთვის იწვევს გაძვირებას და მდარე ხარისხს, ნუთუ ვიცე-პრემიერმა ცქიტიშვილმა ეს არ იცის ან ასე უდიერად უნდა მოექცეს ქვეყნის ბიუჯეტს, რომელსაც ჩვენ, მოსახლეობა ვავსებთ. გრცხვენოდეთ!



ოთარ მარგველაშვილი

წყალტუბოს სოფელ მალაკში მოსახლეობა აქცია გაართა

წყალტუბოს მუნიციპალიტეტის სოფელ მალაკში მოსახლეობამ აქცია გაართა. ენ. სვანების დასახლების მცხოვრებლები სოფელში არსებულ პრობლემებს და ხელისუფლების უყურადღებობას აპროტესტებენ. მათი თქმით, სოფლის გზის სამკილომეტრიანი მონაკვეთი დაზიანებულია და გადაადგილების პრობლემა აქვთ. როგორც მოსახლეობა განმარტავს, გზის რეაბილიტაციის მოთხოვნით არაერთხელ მიმართეს ადგილობრივ ხელისუფლებას, თუმცა დაპირება არ შესრულდა. წყალტუბოს მუნიციპალიტეტის მერიის სივრცითი მონყოლისა და ინფრასტრუქტურის სამსახურის, ინფრასტრუქტურის განყოფილების უფროსის იონა ჯოჯუას თქმით, მალაკში, სვანების დასახლებაში გზის სარეაბილიტაციო სამუშაოების საპროექტო დოკუმენტაცია მზადდება, რის შემდეგაც უშუალოდ რეაბილიტაციაზე გამოცხადდება ტენდერი. სამუშაოებისთვის ნახევარი მილიონი ლარია გამოყოფილი და გზასთან ერთად სანიაღვრეების რეაბილიტაციაა გათვალისწინებული. მისი ვარაუდით, ზამთრის სეზონის გამო სამუშაოები მომავალ წელს დასრულდება.



ოთარ ხუციშვილი

მთავარი რედაქტორისგან:

ჩემი დამსახურებული ჟურნალისტის ოთარ ხუციშვილის ამ პატარა წერილში დიდი სოციალური პრობლემა იკითხება. ამ დღეებში რედაქციას „ერთლარიანი“ წამლების „ყოფნა-არყოფნა“ გამწარებულმა უამრავმა ვეტერანმა მოგვმართა. ყველა მათგანი მთავრობის მართლაც საჭირო და დროული გადამწყვეტილების უარყოფით მხარეებზე ლაპარაკობს. ყველა აფთიაქში თუთიყუშვივით ერთსა და იმავეს იმეორებენ — „წამალი არა გვაქვს, რაც შემოიტანეს, გათავდა... რამდენიმე დღის შემდეგ შემოიარეთ!“ ასე წამდვილად არ შეიძლება, სააფთიაქო (ფარმაცევტული) ბიზნესის ვირთხეობა! სახელმწიფოს, მთავრობას, გაჭირვებულ ხალხს კრიჭაში ნუ უდგახართ, თორემ მოთმინების ფიალა უკვე ავსებულია და... ხალხის გადღეობის ხარჯზე გაფუღვლებული თქვენი კერძო ბიზნესი მალე თავზე დაგემსობათ! ეს ძალად თავს მოხვეული პრობლემა მთავრობამ დროზე უნდა მოაგვაროს!


„ყველაზე კლასობრივი ჩაბოკა ჯანდაცვის სფეროში“!

„ძართული დასის“ ლიდერი ჯონდი ბალათურია და დეპუტატი მირიან ნიკლაური პარლამენტს საკანონმდებლო წინადადებით მიმართავენ, რომელიც მედიკამენტების ფასებს ეხება. პრესკონფერენციაზე ჯონდი ბალათურიამ პარტიის მიერ ჩატარებული კვლევა წარადგინა, რომელიც, მისი თქმით, საქართველოსა და მეზობელ ქვეყნებში მედიკამენტებზე ფასების სხვაობას ასახავს. „რამდენიმე თვეა, საქართველოში დაუცველი მოსახლეობის სოციალურ მდგომარეობას ვსწავლობთ. ყველაზე კატასტროფული მდგომარეობა, კლასობრივი ჩაბოკა არის ჯანდაცვის სფეროში, განსაკუთრებით, სააფთიაქო ბიზნესში. შევისწავლეთ მეზობელ ქვეყნებში, თურქეთში, რუსეთსა და საქართველოში, სააფთიაქო ქსელში სამომხმარებლო ბაზარი. ამჟამად, ჩვენი წარმომადგენლები სწავლობენ სომხეთისა და აზერბაიჯანის სამომხმარებლო ბაზარს, სადაც კატასტროფაა. საქართველოში დამზადებული წამალი ორჯერ იაფი ღირს, ვიდრე სომხეთში. დანაშაულებრივი შედეგებია საქართველოს სააფთიაქო ქსელში შექმნილი ვითარების თვალსაზრისით. ორი სახის „კაპიტალიზმს“ წარმოგიდგენთ, რომელიც არის წნევის მარეგულირებელი წამალი, რასაც ყველაზე მოწყვლადი ფენა მოიხმარს. საქართველოში დამზადებული „კაპიტალიზმის“ ფასი არის — 12 ლარი და 80 თეთრი, რუსეთში ნაყიდი „კაპიტალიზმი“ კი ღირს — ერთი ლარი და 90 თეთრი. ფასებს შორის განსხვავება 673 პროცენტია. კიდევ უფრო მძიმე მდგომარეობაა 25-მილიგრამიანი „კაპიტალიზმი“; მისი ფასი საქართველოში 9 ლარი და 70 თეთრია, ხოლო რუსეთში 77 თეთრია. განსხვავება არის 1260 პროცენტი. საქართველოში დამზადებული წნევის წამალი უფრო ძვირი



ღირს, ვიდრე რუსეთში. ზუსტად იგივე ფასებია თურქეთშიც. იგივე ხდება „კარდიომანტილზეც“, მისი ფასის სხვაობა 180 პროცენტამდეა. პირდაპირ შეგვიძლია, ვთქვათ, რომ ეს არის შეთქმულება ხალხის წინააღმდეგ-მორალური კატეგორიით თუ ვიტყვით, ეს უსინდისობაა, სამართლებრივად კი, სისხლის სამართლის დანაშაულია, რადგან კარტერული შეთანხმებაა ფასებით ხალხის წინააღმდეგ, — აღნიშნავს ბალათურია. „ქართული დასის“ ლიდერმა განმარტა, თუ რას გულისხმობს მომზადებული საკანონმდებლო წინადადება. „მირიან ნიკლაურთან ერთად კანონპროექტი მოვამზადეთ, რომელიც საერთაშორისო პრაქტიკას ეყრდნობა, სადაც პირდაპირი რეგულაციებიდან დასწრე მდებარეობის ფასს წარმოქმნის ყველა ეტაპზე; ეს ეხება დამზადების ეტაპს, საბითუმო და საცალო ვაჭრებს. კერძოდ, სახელმწიფო ადგენს ბარჯის, რამხელა ბარჯა შეიძლება, ჰქონდეს ფასს წარმოქმნის ყველა ეტაპზე მედიკამენტებს და რამდენი შეიძლება, დაემატოს მედიკამენტის საწყის ფასს. ანუ, თუ მედიკამენტი ჯდება ლარი, მთავრობა დააწესებს, მაგალითად, ერთ ლარსა და 50 თეთრს და არა — 13 ლარს. ეს არ არის შემპანურის წარმოება, ეს არის ფარმაცევტიკა. ამით მთავრობა საკუთარ მოსახლეობას ზედმეტი ხარჯისგან დაცავს, — დასძინა ბალათურია.

© მსოფლიო აღიარება



„ბარდიანი“:

გია ყანჩელის მუსიკა ბარინდებს და სილაგაზუს აპროიანებადა

„ძარბაზი კომპოზიტორი, რომლის მუსიკა სიჩუმეს და სილაგაზუს აერთიანებს...“

„გია ყანჩელი 84 წლის ასაკში გულთან დაკავშირებული გართულებებით, გარდაიცვალა. ყანჩელი მეოცე საუკუნის ბოლოს მოღვაწე, ყველაზე ცნობილი ქართველი და საბჭოთა კავშირში ერთ-ერთი გამოჩენილი კომპოზიტორი გახდა. მისმა კოლეგამ როდინი შჩედრინმა ყანჩელი დაახასიათა „ასკეტად, რომელსაც მაქსიმალისტის ტემპერამენტი ჰქონდა“.

„ყანჩელმა მუსიკა დაწერა ისეთი ცნობილი შემსრულებლებისთვის, როგორებიცაა ვირტუოზი ვიოლინჩელისტი მსტისლავ რასტროპოვიჩი, თანამედროვეობის ლეგენდარული მევიოლონე გიდონკრემერი, ალტიისტი იური ბაშმეტი, გერმანელი დირიჟორი კურტ მაზური და ამერიკელი „ქრონოსკვარტეტი“, – წერს „გარდიანი“.

სტატიის ავტორი აღნიშნულია, რომ გია ყანჩელს კონსერვატორიაში ჩაბარება სტრავინსკის „კურთხეული გაზაფხულის“ მოსმენამ შთააგონა. „ყანჩელი კონსერვატორიის კოლექტივს 1970 წელს შეუერთდა (იმავ წელს ყანჩელმა დაწერა მეორე სიმფონია) და უკვე ერთი წლის შემდეგ რუსთაველის თეატრის მუსიკალური ხელმძღვანელი გახდა. ამ თეატრში მან 20 წელი გაატარა. სწორედ აქ დაინტერესდა ყანჩელი თეატრისა და კინოს მუსიკით: მან მუსიკა 40-ზე მეტი კინოფილმისთვის დაწერა. ყველაზე ცნობილი მათ შორის არის „კიმიონი“ და „ქინ-ძა-ძა“. – ნათქვამია ბრიტანული გამოცემის სტატიაში.

„ყანჩელმა აღიარებული მუსიკალური ნაწარმოებები ჯერ კიდევ სტუდენტობისას დაწერა, მათ შორის არის სასულე კვინტეტი და კონცერტი ორკესტრისთვის, რომელიც 1961 წელს შექმნა.

„ამ უკანასკნელმა მწვავე კრიტიკა გამოიწვია, რადგან ნაწარმოებში ყანჩელის ჯაზისადმი მძაფრი ინტერესი ჩანდა, რასაც საბჭოთა ხელისუფლება დასავლური კულტურის საშიშ ნაწილად მიიჩნევდა. მიუხედავად ამისა, გია ყანჩელმა საბჭოთა კავშირის სახალხო არტისტის წოდება მაინც მიიღო,“ – ნათქვამია პუბლიკაციაში.

სტატიის ავტორი აღნიშნავს, რომ გია ყანჩელმა 1967-1986 წლებში შვიდი სიმფონია დაწერა. მეოთხე სიმფონიისთვის 1976 წელს ყანჩელმა საბჭოთა კავშირის სახელმწიფო პრემია დაიმსახურა. ეს ნაწარმოები ორი წლის შემდეგ იური ტემირკანოვმა აშშ-ში შეასრულა.

„საბჭოთა კავშირის გარდაქმნის შემდეგ, ყანჩელის მუსიკა საერთაშორისო აუდიტორიის სულ უფრო მეტად იზიდავდა. ეს კიდევ უფრო გაძლიერდა, 1992 წელს, როდესაც ყანჩელი სამოქალაქო ომით მოცული საქართველოდან დასაველეთ ევროპაში გადავიდა, სადაც ის გერმანიაში და ბელგიაში ცხოვრობდა. მომდევნო ორი ათწლეულის განმავლობაში იყო ხმაურიანი პრემიერები ევროპასა და ჩრდილოეთ ამერიკაში, თუმცა ყანჩელს სამშობლოდან გახიზვნის გამო სინანული თან ახლდა და ეს გამოჩნდა ყანჩელის კონცერტში „Abii ne viderem“ (მე შევტრიალდი, რომ არ დამენახე),“ – წერს „გარდიანი“.

სტატიის ავტორის თქმით, „მოგვიანებით ყანჩელის მუსიკამ უფრო თავისუფალი ფორმა მიიღო.“

„ის ერიდებოდა აბსტრაქტულ სახელწოდებებს, როგორცაა სიმფონია, კონცერტი, კვინტეტი. მიუხედავად იმისა, რომ მან მხოლოდ ერთი ოპერა დაწერა, ყანჩელს მოსწონდა ხმებისა და სოლო ინსტრუმენტების შერწყმა, ისე როგორც ეს არის 1990-იანი წლების ნამუშევრებში, მაგალითად „დიპლიმატი“ და „სტიქსი,“ – წერს „გარდიანი“.

ბრიტანული გამოცემის სტატიაში ნათქვამია, რომ 1990-1995 წლებში ყანჩელმა არაერთი რელიგიური ნაწარმოები დაწერა. ხოლო 2010 წელს მიუხედავად სტუდიამ გამოუშვა გია ყანჩელის ალბომი, რომელიც ქართველი კომპოზიტორის მიერ მუსიკისა და თეატრისთვის დაწერილ 20-მდე ნაწარმოებს აერთიანებს.

გია ყანჩელი 2019 წლის 2 ოქტომბერს გარდაიცვალა. კომპოზიტორი, მისი სურვილის შესაბამისად, დიდუბის პანთეონში დაკრძალეს.

რას ერთხელ სხოვლად სულს დააჩნდებინ...

კედელზე ჯანსულის გამოუქვეყნებელ ლექსს წავაწყდი...

ჩემო ჯანსულო!

30 სექტემბერს 88 წლის გახდებოდი, ჩვენი და ლუიზა – 86-ის, ხოლო მე ვარ 83 წლის. სამივენი ერთსა და იმავე დღეს გავჩნდით!

დედამ გაგვჩინა საეკლესიო კალენდრით თავის და შენი ბებიაქალის დაბადების დღეს (დედა პისტი, ბებიაქალი – ალათი). ეს რომ ჩვენს უწმინდესს ვუთხარით, მან ხელეები ზეცად ალაპყრო და წარმოსთქვა – თქვენს გაჩენაში ღვთის ხელი ურევიაო...

ეს წერილი აი, რამ დამანერინა:

გუშინ ვიყავი ჩვენს მეგობარ ოთარ გაბელაშვილთან, მას სახლში კედელზე გამოკრული აქვს ცნობილი პოეტების ლექსები, მათ შორის ჩარჩოში ჩასმული შენი ლექსი ბატონ ბიძინა ივანიშვილისადმი მიძღვნილი. ამით პასუხი გაგიცია ერთი უმადური კაცისთვის, რომელსაც ბიძინაზე უთქვამს, რას აქვთ მაგ სოფელსო!!! საუბედუროდ, ეს ის ქართველია, რომელსაც მოსწონს სიმღერა – „რაც კარგები ვართ, ქართველები ვართ“ და „თუ გამაჩინე, კიდევ მარჩინე“...

ყველა წყარო და მდინარე სოფლიდან მოედინება. ის ვერ იქნება ამ მიწის, ვინც სოფლის ფასი არ იცის. ქაჯებო, სოფელს ნუ ჩაგრაგვთ, სოფლის ქებაა მზის ქება, ვაჰმე, სოფელი თუ ჩაკვდა, ქალაქი აღარ იქნება. გაფრინდა რისხვის წამი და უცებ, არწივი მოფრინდა, ახლა არ მითხრათ საიდან, – საიდანა და – სოფლიდან.

ჯანსულო ჩარკვიანი (სოფლიდან მოფრინებ არწივში ბიძინა ივანიშვილი იგულისხმება).

რატომღაც შენი ერთსტროფიანი ლექსიც გამახსენდა, რომელიც ასევე ცნობილი პიროვნებას მიუძღვნია, რომელსაც ძალიან უყვარდა „მოსწავლე-ახალგაზრდობა“ და ერთ ლარად ართმევდა მოსწავლე ახალგაზრდობის სასახლის შენობას, რაც შეთანხმებული იყო მაშინდელ პრეზიდენტთან და ქალაქის მერთან. შენ დარაზმე მთელი ინტელიგენცია: ჭაბუა ამირეჯიბი, ნოდარ დუმბაძე, ოთარ მეღვინეთუხუცესი, გია ყანჩელი, რობერტ სტურუა, ათეულობით თბილისის შესანიშნავი შვილი და სასახლე გადაარჩინეთ! მითქვამს ერთხელ, მითქვამს ასჯერ და კვლავ გავიმეორებ, თქვენთან წოლა იკრძალება თქვენნაირი რომ არ გაჩნდეს მეორე...



აი, ეს ლექსი: საოცარია სოფელი, – წუთისოფლისა სწორფერი. სოფლის შვილია ილია, აკაკიც სოფლის შვილია. სოფელში გაჩნდა ვაჟა და ქალაქში გაილაჟვარდა. ღმერთთან მიხედა იმ არეს, დიახაც, სწორედ ინება,

...ჯანსულო და ლუიზა, ძალიან მიყვარხართ და მენატრებით. თქვენი ქვა – ჯიმი ჩარკვიანი, რესპუბლიკის სოფლის მეურნეობის დამსახურებული მუშაკი, შრომის წითელი დროშის, მეგობრობისა და ღირსების ორდენების კავალერი.

P.S. 1994 წელს ამიერკავკასიის ჟურნალისტთა კავშირის თავკაცის გივი ფაცურიას თაოსნობით გამოიცა წიგნი „ასი თბილისელი“, რომელშიც პირველ „გმირად“ შენ იყავი დასახელებული. ეს არავის გაჰკვირვებია, რადგანაც 15 წელიწადი საზოგადოება „თბილისელის“ პრეზიდენტი იყავი. აი, ჩემი სახელის ამ წიგნში მოხვედრა კი (47-ე ნომრად!) მეც გამიკვირდა, რადგანაც ღირსეულ თბილისელთა წოდებას, ჩემი აზრით, სხვები უფრო იმსახურებდნენ... ახლა, როცა ამქვეყნად შენ აღარ ხარ, ჩემო ჯანსულო, საოცრად მიხარია, რომ იმ კარგ წიგნში მეც წარმომამჩინეს!

მამუკა ჩარკვიანმა იმღერა და... იზიარა

მომღერალმა მამუკა ჩარკვიანმა ქობულეთში გამართულ კონცერტში მიიღო მონაწილეობა. მან მსმენელისთვის თავისი ერთ-ერთი ჰიტი „სიმღერას ჰგავს ჩემი ტირილი“ შეასრულა. ეტლში მჯდომმა მამუკა ჩარკვიანმა ცრემლები ვეღარ შეიკავა და სიმღერის დროს ატირდა. გადავსებული დარბაზი სოლიდარობის ნიშნად მომღერალს ფეხზე წამოუდგა და მხურვალე აპლოდისმენტებითა და ხანგრძლივი ოვაციებით დააჯილდოვა.



The Washington Times



„ვაშინგტონ თაიისში“ აშშ-ის არმიის გადაამდგარი პოლიკომისიის უსელი (უეს) მარტინის სტატია გაემოქმედდა სათაურით – „საქართველოს საკვანძო მნიშვნელობა აშშს გეოპოლიტიკური სტრატეგიის მიმართადაა გადათავაშვებული“.

სტატიაში აღნიშნულია, რომ ევროპასა და აზიას მიმდინარეობს გეოპოლიტიკური სტრატეგიის გადათავაშვება, სოლო ამ თავსატეხის გაანალიზება უნდა მოხდეს. მისი თანახმად, მათ შორის სამ პოსტსაბჭოთა ქვეყანაში: საქართველოში, სომხეთსა და აზერბაიჯანში.

– ამ კი საქართველოს საკვანძო მნიშვნელობა აქვს. ქვეყანა წარმოადგენს მოვლენების ეპიცენტრს, სადაც ამერიკის შეერთებული შტატებისთვის უფრო მეტი დევე ფსონზე, ვიდრე ოდესმე. ჩინეთის ამბიციური „სარტყევის“ და გზის“ ინიციატივა მთელ ევრაზიას მოიცავს, ხოლო რეგრესის გზაზე მყოფი რუსეთი ცდილობს, მიუერთდეს ჩინეთის დინამიზმს და ამავდროს, არ დათმოს ჰეგემონია პოსტსაბჭოთა სივრცეში. ცენტრალური აზია რეფორმების გზით ადასტურებს თავის ეკონომიკურ პოტენციალს, ხოლო თურქეთი „ეთაშეშება“ ახალ ხედვებს თავისი სტრატეგიული მნიშვნელობის შესახებ არაეგროპულ მომავალში.

ჩინეთიც და რუსეთიც, ამერიკაც და ევროპაც – ყველა ეძებს სტაბილურობის განმტკიცების, ეკონომიკური განვითარების ხელშეწყობის და სტრატეგიული უპირატესობის მიღწევის გზებს. ყველა ეს ტრანექტორია კი, თავს იყრის კავკასიაში, სადაც ყველა წამყვანი მოთამაშე ცდილობს, დაიკავოს პოლიტიკური გავლენის და ეკონომიკური უპირატესობის მოპოვებისთვის ხელსაყრელი პოზიცია, სადაც ჩრდილოეთ-სამხრეთის და აღმოსავლეთ-დასავლეთის ლერქები ერთმანეთს კვეთს“, – აღნიშნულია სტატიაში.

ამასთან, ავტორი აღნიშნავს, რომ მაშინ, როცა ამერიკის შეერთებული შტატები ინარჩუნებს პოზიციებს სპარსეთის ყურესა და ავღანეთში, ყოფილი საბჭოთა რეგიონები, მათ შორის კავკასია და ცენტრალური აზია, ხშირად ყურადღების მიღმა რჩება.

„ვაშინგტონის ურთიერთობები სომხეთსა და აზერბაიჯანთან დღესაც გართულებულია 1988 წელს დაწყებული მთიანი ყარაბაღის კონფლიქტის გამო. მეორეს მხრივ, პროდასავლური საქართველო, ისრაელთან ერთად, წარმოადგენს ამერიკის ყველაზე ერთგულ და სანდო მეგობარს და მოკავშირეს ფართო რეგიონში.“

კავკასიაში განლაგებული საქართველო წარმოადგენს სახმელეთო ხიდს ევროპასა და აზიას, შავ და კასპის ზღვებს შორის. ათასწლეულების განმავლობაში ქვეყანამ გადაიტანა სპარსელების, ოსმალების, რუსებისა და მონღოლების შემოსევები და ყოველ ჯერზე, ქართველები იგერიებდნენ მჩაგვრელებს“, – ნათქვამია სტატიაში.

ავტორი ამბობს, რომ საბჭოთა კავშირის დაშლის შემდეგ საქართველო კიდევ ერთხელ აღდგა, როგორც დამოუკიდებელი სახელმწიფო არამდგრად, ფეთქებად გარემოში.

– საქართველოს სათავეში უდგას სტაბილური და დემოკრატიული მთავრობა, რომელიც ძალ-ღონეს არ იშურებს დასავლეთ ევროპასა და ამერიკის შეერთებულ შტატებთან კავშირების განსამტკიცებლად, განსაკუთრებით ბოლო წლებში, თუმცა გასათვალისწინებელია ისიც, რომ ამ გზაზე სვლა შესაბამის უნარებს და სიზუსტეს მოითხოვს.

II სექტემბრის მოვლენებზე ამერიკის პასუხის და ერაყში სამომავლო მოქმედებების მხარდაჭერის მიზნით, საქართველომ ავღანეთსა და ერაყში 3500 მებრძოლი გააგზავნა.



გიორგი გახარიას რთული გზა ელოდება, ამ გზის გავლის უნარი აქვს, რისთვისაც თავისი ერის, ევროპის და, რაც ყველაზე მნიშვნელოვანია, აშშ-ის მხარდაჭერა დასჭირდება

2008 წელს კი, რუსეთი შეიჭრა საქართველოს ტერიტორიაზე და დაიკავა სამხრეთ ოსეთი და აფხაზეთი, რის შედეგად საქართველოს ტერიტორიის 20 პროცენტი დღესაც ოკუპირებულია რუსეთის მიერ, – წერია „ვაშინგტონ თაიისში“ სტატიაში.

ავტორს ოკუპაციასთან დაკავშირებით საქართველოს პრემიერ-მინისტრის გიორგი გახარიას სიტყვები მოჰყავს.

„სწორედ ამაზე მიუთითებდა გიორგი გახარია სექტემბერში საქართველოს პრემიერ-მინისტრის პრესკონფერენსა: „საქართველოს ეკონომიკის 20 პროცენტი არის ოკუპირებული, ქვეყნის განვითარების პოტენციალის 20 პროცენტი არის ოკუპირებული, ქვეყნის ადამიანური კაპიტალის 20 პროცენტი არის ოკუპირებული – ამაშია ჩვენი ქვეყნის განვითარების ყველაზე დიდი მუხარუჭი“.

გახარია ამასვე მკაფიოდ დაადასტურა, რომ აშშ საქართველოს უახლოესი მოკავშირეა და რომ საქართველოს ევროპული და ჩრდილოატლანტიკური ინტეგრაციის გაძლიერება მისი საგარეო პოლიტიკის მთავარი პრიორიტეტია.

ახალ თანამდებობაზე გახარია შთაბეჭქავი ბიოგრაფიით მოვიდა. იგი წლების განმავლობაში მუშაობდა საერთაშორისო ბიზნესში, მათ შორის ავიაკომპანია „ლუფტჰანზაში“, ხოლო შემდეგ მოვიდა პოლიტიკაში და დაინიშნა ბიზნესომბუდსმენის თანამდებობაზე. შემდეგ, ეროვნული უსაფრთხოების საბჭოს მდივნის, ასევე

ეკონომიკის და შემდეგ – შინაგან საქმეთა მინისტრის პოსტზე. იგი ყოველთვის აქტიურად უჭერდა მხარს რეფორმების განხორციელებას ანგარიშვალდებულების, ლიბოლის და გამჭვირვალობის ხარისხის ამაღლების მიზნით.

მისმა წარმატებულმა საქმიანობამ ეკონომიკის სექტორში მნიშვნელოვნად განაპირობა ის, რომ მსოფლიო ბანკის ბიზნესის წარმოების ბოლო ინდექსში საქართველო მე-9 ადგილს იკავებს, ხოლო ხელი-სუფლების ეფექტიანობის და კორუფციასთან ბრძოლის კატეგორიებში საქართველო უსრებს ევროკავშირის წევრი ქვეყნების უმრავლესობას.

პრემიერ-მინისტრის თანამდებობაზე დაინიშნისას ბატონმა გახარიამ თავის კომენტარებში ასევე მოუწონა არსებული ფორმატის „ჭკვიანურად და რაციონალურად“ გამოყენებისკენ რუსეთთან ურთიერთობაში და რუსეთის მიერ საქართველოს ტერიტორიის ოკუპაციასთან მიმართებაში. გახარია აცხობიარებს, რომ ღია სამხედრო კონფრონტაცია რუსეთთან კატასტროფულ შედეგებს მოიტანს. მას ასევე ახსოვს, რომ სამხედრო ინტერვენციას რუსეთის მხრიდან წინ უძღოდა კიბარშიძე, რომელმაც გაანაწილა რუსეთის მიერ ოკუპირებული ადგილები.

გახარიას აქვს საკმარისი გამოცდილება და უნარი, რათა გაუძღვას საქართვე-

ლოს ევროკავშირისა და ნატოსკენ მოსკოვის პირდაპირი პროვოცირების გარეშე. რუსეთი წარმოადგენს უმთავრეს, თუმცა არა ერთადერთ პრობლემას უსაფრთხოების თვალსაზრისით. თუკი მდგომარეობა რეგიონში არ შეიცვალა, მხოლოდ დროის საკითხია, რომ აშშ-ის სხვა მონიშნულ მდგომარეობაში ყურადღება საქართველოზე გადაიტანონ“, – ნათქვამია სტატიაში.

ავტორი მიუთითებს, რომ 1400-ზე მეტი წლის განმავლობაში საქართველომ გამოზარდა დიდი ლიდერები, რომლებიც ერთ მუშტად კრავდნენ ქვეყანას და კრიტიკულ მომენტში ამარცხებდნენ მტერს.

ასევე სტატიის ავტორი ქვეყნის შიდა დაპირისპირებებზეც ამახვილებს ყურადღებას და ამბობს, რომ შიდა დაპირისპირებები საფრთხეს უქმნის სტაბილურობას.

„იმავე დროის განმავლობაში საქართველოს გადატანილი აქვს შიდა დაპირისპირებები, რაც საფრთხეს უქმნის სტაბილურობას. დღესაც შიდა ბრძოლა დომინირებს ქართულ პოლიტიკაში და ძირს უთხრის ეროვნულ უსაფრთხოებას.“

გიორგი გახარიას რთული გზა ელოდება წინ. მას ამ გზის გავლის უნარი შესწევს, თუმცა ამას დრო დასჭირდება და ამისთვის თავისი ერის, ევროპის და, რაც ყველაზე მნიშვნელოვანია, ამერიკის შეერთებული შტატების მხარდაჭერა დასჭირდება“, – აღნიშნულია „ვაშინგტონ თაიისში“.

ტრამპი თურქეთს ეკონომიკის განადგურებით ემუქრება

შეერთებული შტატების პრეზიდენტი დონალდ ტრამპი თურქეთს ეკონომიკის დანგრევით დაემუქრა, თუ „ანკარა დაშვებულ ზღვარს გადავა“. ამის შესახებ ტრამპი მიკრობლოგ „ტვიტერზე“ წერს. „როგორც ადრე მტკიცედ ვაცხადებდი, ახლაც გავიმეორებ, თუ თურქეთი ისეთ რამეს გააკეთებს, რაც ჩემი შეუდარებელი სიბრძნით, ზღვარგადასული იქნება, მთლიანად გავანადგურებ და დავანგრევე თურქეთის ეკონომიკას, როგორც ეს ადრე ვაცხადებ“, – დაწერა ტრამპმა მიკრობლოგ Twitter-ში.

ტრამპის მუქარა მას შემდეგ გაისმა, რაც თურქეთის პრეზიდენტმა რეჯებ თაიფ ერდოღანმა განაცხადა, რომ ანკარა მზად არის დამოუკიდებლად ჩაატაროს სამხედრო ოპერაცია თავის საზღვართან, სირიის ჩრდილო-აღმოსავლეთით, სადაც თურქეთი და აშშ თავდაპირველად უსაფრთხოების ზონის შექმნაზე შეთანხმდნენ. ერდოღანს მიაჩნია, რომ ამერიკის ხელისუფლებამ თავისი დაპირება არ შეასრულა. დამოუკიდებელი სპეცოპერაციის ჩატარების შესახებ თურქეთის ლიდერმა 1 ოქტომბერს განაცხადა. ხუთი დღის შემდეგ ის ტელეფონით ესაუბრა აშშ-ის პრეზიდენტს, რომლის შედეგების მიხედვით, თეთრმა სახლმა განაცხადა, რომ მხარს არ დაუჭერს თურქეთის ხელისუფლების მოქმედებებს სირიის ჩრდილოეთით. ამ რეგიონში განლაგებულია ქურთ-

თა ძალები, რომლებიც აშშ-ის მოკავშირეები არიან, თურქეთი კი მათ ტერორისტებად მიიჩნევს.

პუტინს და მედვედევს ხელფასი გაეზარდა

2019 წლის 1 ოქტომბრიდან რუსეთის პრეზიდენტ ვლადიმერ პუტინს და პრემიერ-მინისტრი დიმიტრი მედვედევს ხელფასი გაეზარდა. ინფორმაციას ამის შესახებ რუსული მედია ავრცელებს. პრეზიდენტის პრესმდივნის დიმიტრი პესკოვის განცხადებით, გეგმური ინდექსაციის ფარგლებში პუტინს და მედვედევს ანაზღაურება 4,3%-ით გაეზარდა. შესაბამის ბრძანებას პუტინმა მოაწერა ხელი.

გარდა ამისა, ხელფასები გაეზარდა შინაგან საქმეთა სამინისტროს, საგანგებო სიტუაციების სამინისტროს, თავდაცვის სამინისტროს, უსაფრთხოების ფედერალური სამსახურის, დაცვის ფედერალური სამსახურის, საგარეო დაზვერვის სამსახურის, რუსეთის გვარდიის, გენერალური პროკურატურისა და საგამოძიებო კომიტეტის ხელმძღვანელებს.

„საპარაუდოდ, საზარაძე პოლიტიკაში მიღის საკუთარი ბიზნესის დასასაჯად, ან...“

(მესამე გვერდიდან) — ანალიტიკოსები ამბობენ, რომ ნულპროცენტური ბარიერის შემთხვევაში, საზარაძეს არ გაუჭირდება, შევიდეს პარლამენტში. 2020 წლის არჩევნებზე საზარაძე იქნება ის პოლიტიკური ძალა, რომელიც ჩაანაცვლებს „ნაციონალურ მოძრაობას“ და უკვე ამომრჩეველი იხილავს საარჩევნო დაპირებისპირებას „ოცნებასა“ და „ლელოს“ შორის? მით უმეტეს არის „ევროპული საქართველო“, რომელსაც ყოფილი პრეზიდენტი უბირისპირდება...

ამ მხრივ ძალიან საინტერესო სიტუაცია შეიქმნა. მიუხედავად იმისა, რომ ნულპროცენტული საქართველოს, ბიძინა უპირისპირდება საზარაძეს. ძალიან უცნაური პოლიტიკური კვარტეტი ჩამოყალიბდა. ამიტომ ვამბობ, ველოდი, საზარაძე უფრო მკვეთრი და გამბედავი იქნებოდა. არა იმით, რომ „ცქტივილი კარგ საჭაპურებს აცხობს“, ან მთავრობა არ ვარგა, არამედ ექნებოდა პოლიტიკური



ასეთი ნაბიჯების შემდეგ, რაც საზარაძემ გადადგა, ძალიან ძნელია, ივარაუდო, რომ ოპოზიციაში მესამე ფლანგში გახდება ლიდერი პოლიტიკური ორგანიზაცია. არის ორი პოლუსი — „ქართული ოცნება“ და „ნაციონალური მოძრაობა“, ასევე არის ამომრჩევლის მეტად ნაწილი, რომელსაც არც ერთი უნდა და არც მეორე, თუ გავითვალსწინებთ 2016 წლის არჩევნებს, მესამე ნაწილს იკავებდა „ევროპული საქართველო“. დღესდღეობით საზარაძის სამიზნე შეიძლება იყოს მხოლოდ „ევროპული საქართველო“ ელექტორატის მოზიდვა. სხვა მხრივ, ის ვერც „ოცნებას“ დაუპირისპირდება და ვერც „ნაციონალურ მოძრაობას“ — ამის რესურსი არა აქვს. მაქსიმუმი, რაც დღეს ჩანს და რაც იკვეთება საზარაძის პოლიტიკაში მოსვლით, ეს არის ფარდობა „ევროპულ საქართველოსთან“. ესეც შეიძლება ჩემი მხრიდან საკმაოდ თამამი განცხადება იყოს საზარაძის პოლიტიკურ მომავალზე, შესაძლოა, ესეც არ იყოს.

— ანუ, საზარაძე გახდება მესამე პოლიტიკური ძალა?

— უკვე დარწმუნებული ვარ, რომ საზარაძის მიერ შექმნილი ორგანიზაცია ვერ იქნება მესამე პოლიტიკური ძალა. ამ ეტაპზე ასე ჩანს და არც მოლოდინია იმი-

განაცხადი. ჯერჯერობით რაც ჩანს, პოლიტიკაში მისმა შემოსვლამ ამომრჩეველში არანაირი მოლოდინი არ გააჩინა. ელექტორატში როგორი განწყობაც იყო, ინდეფერენტული პოლიტიკური სპექტრისადმი ისევე დარჩა.

შესაბამისად, იმის თქმა, რომ საზარაძე ნაციონალურს ჩაანაცვლებს, გამორიცხულია. ლაპარაკია იმაზე, „ევროპულ საქართველოს“ თუ ჩაანაცვლებს თავისი რეიტინგით და წონით. იქნება ის „ევროპული საქართველოს“ თანაფარდობა ძალის პოლიტიკური ორგანიზაცია? — ეს არის საზარაძის პრობლემა დღეს.

საზარაძის შემოსვლა პოლიტიკურ ველზე არც მოულოდნელი იყო და არც ევექტიანი. თავიდანვე, როცა განაცხადა, რომ აპირებს ახალი გუნდის შემოყვანას და ძველი სახეები არ უნდა, ეს უკვე ნიშნავდა იმას, რომ საზარაძე ხელს უფლებავს იმის კი არ იბრძვის, არამედ იბრძვის რაღაც საზღვარის მოსაპოვებლად. შესაბამისად, შეიქმნება ვივარაუდოთ, რომ პოლიტიკაში მიღის საკუთარი ბიზნესის დასასაჯად, ან მოღვის პოლიტიკაში, რომ არჩევნების შემდეგ იყოს კოალიციის მიმდევარი. უფრო მეტად, ალბათ, ივანიშვილთან, ვიდრე „ნაციონალურ მოძრაობასთან“.

— მიუხედავად იმისა, რომ დღეს დაპირებისპირებული მხარეები არიან?

— რა თქმა უნდა. საზარაძის პოლიტიკაში შემოსვლით არ იგრძნობა იმის სურვილი, რომ ის იბრძვის ძალაუფლების ხელში ასაღებად. შესაბამისად, ხვალ რომ არჩევნები ტარდებოდეს, საზარაძის ნადავლი იქნება 5%-მდე, დაახლოებით ისეთივე, როგორც იყო 2016 წელს ბურჭულაძისა, რომელიც უფრო მკვეთრად და მკაფიოდ შემოვიდა პოლიტიკაში, ვიდრე საზარაძე. ამიტომ არანაირ ჩანაცვლებას ლაპარაკი არ არის.

სა, რომ რაღაცა შეიცვლება. თქვენ წარმოიდგინეთ, რომ ბურჭულაძისადმი უფრო დიდი მოლოდინი იყო საზოგადოებაში, ვიდრე საზარაძისადმი არის. საზარაძეს უარყოფითი შლეიფი შემოჰყვა ბიზნესიდან, ამიტომ გაცილებით პრობლემატურია, ვიდრე ბურჭულაძის გამოჩენა პოლიტიკურ ველზე.

— თუმცა დღეს ამომრჩეველი გაცილებით გაღიზიანებულია „ქართულ ოცნებაზე“ და „ნაციონალურ მოძრაობაზე“, ვიდრე ეს იყო 2016 წელს...

— ამომრჩევლის ეს გაღიზიანება და ნეგატიური დამოკიდებულება კომპენსაციას უკეთებს საზარაძეს ბიზნესიდან წამოყოფილ უარყოფით შლეიფს, მაგრამ დანარჩენი უკვე დამოკიდებული არის საზარაძეზე, რომელმაც თავიდანვე უარყოფითი გზა აირჩია, როცა განაცხადა, რომ პოლიტიკოსების გარეშე მინდა პოლიტიკა, ეს არის შეცდომა. უცნობთა არმია ვერ გაიმარჯვებს, გამოირიცხულია. საზარაძეს არა აქვს არანაირი დადებითი ქარიზმა, უფრო უარყოფითია, ვიდრე დადებითი.

ეს ყველაფერი უნდა გაეთვალისწინებინა და უნდა გაერკვია, სხვა როგორ ალიქვამდა მას. ეს არის შეცდომა და მე მაშინ ვთქვი, რომ საზარაძის და ივანიშვილის შედარება არ შეიძლება, გნებავთ ქარიზმით, გნებავთ ლეგენდით. მიუხედავად ამისა, 2012 წელს ივანიშვილს რომ არ შეეკრა ის გუნდი, რომელიც შეეკრა, დარწმუნებული ბრძანდებოდა, რომ არჩევნებს ვერ მოიგებდა. მესამე ძალის გაჩენა ნიშნავს, რომ ეს ორი ძალა ცოტა უკან დახიო და ამით თავიდან აიცილო ხისტი დაპირისპირება პოლიტიკურ ძალთა შორის. კარგია, თუ შეძლებ და უკან დახევ ამ პოლიტიკურ ძალებს, მაგრამ ამისთვის სხვა რამეა საჭირო და არა ის, რასაც საზარაძე აკეთებს.

თამთა ძარჩავა



როგორ სვდება ზამთრის კურორტები მოსლოდულ სეზონს

ბაქურიანში კეთდება აბსოლუტურად ახალი მოდელის საბაგიროები, ეს არის ნაადგილიანი სავარძლის ტიპის საბაგირო, საათში საბაგიროს გამტარუნარიანობა 1600 კაცია. ეს რიცხვი მომავალში საჭიროების მიხედვით გაიზრდება. აქამდე ბაკურიანში, პრაქტიკულად, არც ერთი საბაგირო არ იყო ამ მოცულობებზე გათვლილი, — მთის კურორტების განვითარების კომპანიის ხელმძღვანელი თამაზ გამცემლიძე ზამთრის სეზონის მოახლოებასთან ერთად „კომერსანტთან“ ზამთრის კურორტებზე დაგეგმილ და მიმდინარე სამუშაოებზე საუბრობს.

თამაზ გამცემლიძის თქმით, ძირითადი ინფრასტრუქტურული სამუშაოები ბაკურიანში ზამთრის სეზონისთვის მზადებასთან ერთად 2023 წლის სათბო ღამეში და სნოუბორდის მსოფლიო ჩემპიონატს უკავშირდება.

როგორც ცნობილია, საქართველო თბილისისა და სნოუბორდში თავისუფალი სტილით სრიალში 2023 წლის მსოფლიო ჩემპიონატის მასპინძელი ქვეყანაა.

„წლევანდელ სეზონს ბევრი სიახლით შევხვდებით. ბაკურიანში 3 საბაგიროს მშენებლობა დაწყებული, ასევე დაბას დაემატება სასრიალო ზონები. 2020 წლის

ზამთრისთვის კი მომზადებული გვექნება მსოფლიო ჩემპიონატისთვის სასრიალო ტრასები. ნოემბრის თვეში ველოდებით გამარჯვებული კომპანიის გამოვლენას, რომელიც ბაკურიანის ხელოვნურ გათოვლიანებას და წყლის რეზერვუარის პროექტირებას უზრუნველყოფს. პროექტი გულისხმობს ხელოვნური გათოვლიანებისთვის ორი წყლის რეზერვუარის მოწყობას და ხელოვნური გათოვლიანების სისტემის პროექტირებას როგორც ახალ არეალში, ასევე კონსტა-მიტარბის ტერიტორიაზე, — ამბობს გამცემლიძე. მთის კურორტების განვითარების კომპანიის ხელმძღვანელმა ზამთრის ტურისტულ სეზონთან დაკავშირებით გუდაურში დაგეგმილ პროექტებზეც ისაუბრა.

თამაზ გამცემლიძის განცხადებით, გუდაურში იგეგმება ანტისაზღვავე სისტემების მოწყობა. ასევე 5 ოქტომბრიდან საბაგიროს ადრეული აპონი-მენტების გაყიდვა ფასდაკლებებით დაიწყება „თბილისი მოლში“ და „აქსის თაურში“. გამცემლიძის ინფორმაციით, წლევანდელ სეზონზე დიდი მოლოდინები აქვთ მთის კურორტებზე ვიზიტორების რაოდენობის თვალსაზრისით.

მარიამ მორგოზია

რამდენ მილიონად გაიყიდა ტუბდისპანსეარის ტერიტორია და შენობა აბასთუმანში?!

ბიძინა ივანიშვილთან დაკავშირებულმა კომპანიამ შპს „სანაპიროს ხედი“ აბასთუმანში ყოფილი ტუბდისპანსეარის ტერიტორია და შენობა, ასევე მიმდებარე ორი ნაკვეთი, მასზე განთავსებული შენობა-ნაგებობებით, 3 540 000 ლარად შეიძინა.

შპს „სანაპიროს ხედის“ 100 %-იანი დამფუძნებელი 2008 წელს ოფშორში დარეგისტრირებული კომპანია ს/ს ლაიმსთონ ფაინანს ინვესტიმენტს შეეძინა.

შპს „სანაპიროს ხედის“ საკუთრებაა ერეკლე მეორის მოედანზე „ქართული ოცნების“ ოფისის გვერდით მდებარე 794 კვმ ფართობის მიწის ნაკვეთი. „საერთაშორისო გამჭვირვალობა — საქართველოს“ კვლევის მიხედვით, ეს ტერიტორია „პანორამა თბილისის“ პროექტის ერთ-ერთი შემადგენელი ნაწილია.

ტუბდისპანსეარის შენობა და ტერიტორია სახელმწიფომ ელექტრონულ აუქციონზე 2019 წლის 1 თებერვალს გაიტანა, ქონება 15 დღეში გაიყიდა. საერთო ჯამში, აბასთუმანში, ფალიაშვილის 40 ნომერში და მის მიმდებარე, გაყიდულია არასასოფლო-სამეურნეო დანიშნულების სამი ნაკვეთი, საერთო ფართობით 23 585 კვმ.

შექმნიდან 1 თვეში 25-მა პაციენტმა საავადმყოფო ეტაპობრივად დატოვა. 22 მარტს კი შენობა საბოლოოდ დაიხურა და მალევე დაინგრა. ნაგებობების დემონტაჟისა და მიწის ნაკვეთების დეზინფექციის შემდეგ, საპრივატიზაციო მოთხოვნის შესაბამისად, ყოფილი ტუბდისპანსეარის ადგილას სასტუმრო და ორი საცხოვრებელი სახლის მშენებლობა დაიწყო.

ნანა ბიბანიშვილი



როგორ

კვლავ მოიპო

საზონის ბოლოსწინა „მასტერსზე“, რომელიც ჩინეთის ქალაქ შანხაიში იმართება, მეორე წრე დაიწყო. ამ ეტაპზე ქართველი ნიკოლოზ ბასილაშვილის მეტოქე მსოფლიოს 23-ე ჩოგანი, ფრანგი ბენუა პერი იყო. მათი შეხვედრა საათსა და 40 წუთს გაგრძელდა და ქართველმა სამ სეტში გაიმარჯვა – 6:4, 1:6, 6:1.

პირველ პარტიაში მეტოქეებს თითო ბრეიკ-პოინტი ჰქონდათ. ჯერ ეს შანსი პერის გაუჩნდა მეორე გეიმში და ვერ გამოიყენა, ბასილაშვილმა კი მეშვიდე გეიმში მიიღო ასეთივე შესაძლებლობა და ის ხელიდან არ გაუშვა. ეს საკმარისი აღმოჩნდა პირველი სეტის მოსაგებად.

საინტერესოა, რომ მეორე ხელში ქართველ ჩოგურთელს ფრანგზე მეტი ბრეიკ-პოინტი ჰქონდა, მაგრამ 1:6 განადგურდა. პერიმ პირველი ბრეიკი მეოთხე გეიმში შეასრულა. მომდევნო გეიმში ბასილაშვილმა სამი ბრეიკ-პოინტი გაანიავა და უკუბრეიკი ვერ შეასრულა, რის შემდეგაც კიდევ ერთხელ დათმო საკუთარი მოწოდება და შემდეგ ფრანგმა სეტზე ჩააწოდა.

მესამე პარტიის პირველი გეიმი ბასილაშვილმა საკუთარ მოწოდებაზე მოიგო, მეორე გეიმში 30:30-ზე კი მატჩი



წვიმის გამო შეწყდა. პაუზა დაახლოებით ნახევარი საათი გაგრძელდა. თამაშის განახლების შემდეგ ნიკამ ზედიზედ ორი ქულა აიღო და ბრეიკი შეასრულა. ამ ხელში ქართველს ძალიან დიდი უპირატესობა ჰქონდა – მის გეიმებში ბრძოლა პრაქტიკულად არ იყო, სეტის მინურულს კი ნიკამ კიდევ ერთხელ აიღო მეტოქის მოწოდება და მატჩზეც ჩააწოდა.

ბასილაშვილის მეტოქე მერვედვი-ნალში მეოთხე ნომრად განთესილი დომინიკ ტიმისა და ესპანელი პაბლო კარენო ბუსტას დუელში გაირკვევა.

ბაჰან დოლიძე

რაგბი ჩვენი თემაა!

„პორჯალოსნება“ - შევაკვდებით!

2019 წლის მსოფლიო თასზე „პორჯალოსნები“ დასკვნითი შეხვედრას 11 ოქტომბერს, თბილისის დროით 14:15 საათზე ავსტრალიის წინააღმდეგ გამართავენ.

გუნდი უკვე შიზუოკაშია და მომავალი მატჩისთვის იქ ემზადება. მანამდე „მსოფლიო რაგბი“ „პორჯალოსნების“ კაპიტან მერაბ შარიქაძეს განვლილი და მომავალი თამაშების შესახებ ესაუბრა: იგი ფიჯისთან მარცხით გულდანყვეტილია, თუმცა, გუნდს გადწყვეტილი აქვს, რომ მსოფლიო თასი თავნულმა დატოვოს.

შარიქაძის თქმით, ფიჯისთან მტკივნეული მარცხის შემდეგ გუნდი მზადაა „მოკვდეს“ ავსტრალიასთან მატჩში. იაპონიაში მიმდინარე მსოფლიო თასზე მან პირველად იბრძოლა სასტარტო XV-ში და ამბობს, რომ ეს თამაში მისი ყველაზე დიდი იმედგაცრუება იყო:

„ყველა მოთამაშეს და, განსაკუთრებით მე, გერცხვენი ჩვენი გულშემბტკივრის და ოჯახების, რადგან ისინი სულ სხვა რამეს ელოდნენ, მაგრამ საბოლოო ანგარიში მხოლოდ დასკვნითი 20 წუთის სურათს ასახავს და არა სრულს. იყო მომენტები, რომელთაც შეეძლოთ ყველაფერი შეეცვალათ. ვისაც რაგბი ესმის, ისინი მიხვდებიან, რასაც ვგულისხმობ, მაგრამ ვერაფრის დავადასაშაულებთ, ეს ყველა ჩვენთაგანის ბრალია“.

ტურნირზე საქართველოს ნაკრების მიზანი იყო, რომ იაპონიაში ორი შეხვედრის მოგებით საფრანგეთის მომავალი მსოფლიო თასის ავტომატური კვალიფიკაცია მოეპოვებინა. მას კიდევ დარჩა ერთი შეხვედრა – 11 ოქტომბერს ავსტრალიასთან:

„ჩვენი რეპუტაცია ძლიერ შეილახა და ამის გამოსწორების ერთადერთი საშუალება არსებობს – კარგად ვითამაშოთ ავსტრალიასთან. შევაკვდებით, რადგან ახლა დასაკარგი აღარაფერი გვაქვს, კუთხეში ვართ მიმწყვედელი და მხოლოდ წინსვლა შეგვიძლია“.

კობა კობახიძე



მეორე

ჩველთა კვარტები

ბამოვლინდენ დუდუ დადიანის მეორე რაუნდის ნახევარფინალისტები. ჯგუფური ეტაპის ბოლო მატჩის დასრულებამდე გაურკვეველი იყო, თუ ვინ გავიდოდა და როგორ დაწყვილდებოდა ნახევარფინალში. თსუ-სა და „ქუთაისის“ შეხვედრამ ყველაფერი დააღაგა, მანამდე კი „კაკტუსმა“ „რუსთავს“ 98 : 90 სძლია და ფავორიტად მიჩნეული ქვემოქართლური გუნდი ჯგუფში ჩატოვა.

არჩილ ჟღენტის განვრთნილმა „კაკტუსმა“ მეტოქის ხასიათი გამოავლინა. პირველ ტურში „დინამოსთან“ ბოლო წუთზე ნახევრის შემდეგ კაკტუსელებმა ეროვნული ნაკრების რამდენიმე წევრისა და კანდიდატის, ასევე მარჯვე ლეგიონერების მყოფ „რუსთავს“ 8 ქულით სძლიეს და ჯგუფიდან გასვლის გზაზე მოზრდილი ნაბიჯი გადადგეს. „კაკტუსს“ 1 ქულით მეტით რომ მოეგო, ჯგუფში პირველ ადგილს და ნახევარფინალის საგზურს განივლდებდა, თუმცა, ეს ვერ შეძლო და „დინამოსთან“ პირადი მარცხის გამო მეორე ადგილს დასჯერდა.

ჯგუფური ეტაპის ბოლო მატჩში თსუ „ქუთაისს“ შეხვდა. იმერლებს ნახევარფინალში გასასვლელად მინიმუმ 13 ქულით მოგება სჭირდებოდათ, თუმცა, 9 ქულით – 70:79 აქტ დამარცხდნენ. ლექსო ლაფანაშვილის განვრთნილები ტურნირზე ჯერჯერობით ყველაზე ეფექტურად თამაშობენ. მათ გუნდში დებიუტი ჰქონდა ამერიკელ რიკი მედისონს, რომელმაც 15 ქულა მოაგროვა, საუკეთესო კი, პირველი შეხვედრის მსგავსად, გიორგი ტურძილაძე გახდა 20 ქულით. გიორგი კორსანტიამ შეხვედრა 19 ქულით და 8 მოხსნით დაასრულა.

თსუ-მ პირველ ადგილზე გასულთა შორის უმჯობესი შედეგი აჩვენა და ნახევარფინალში მეორეადგილოსან „კაკტუსს“ შეხვედრა, რომელმაც პლეი-ოფის საგზური საუკეთესო მეორეადგილოსნის სტატუსის მოპოვებით მოახერხა. მეორე ნახევარფინალში „ბათუმი“ და „დინამო“ დაწყვილდნენ.

მიტალი ჯაფარიძე



საფეხურთა მოზაიკა



გაშინი სასტუმრო „ჰუალინგში“ სპეციალურად ქართული სამსახური კორპუსისთვის VAR სისტემის სამდღიანი სემინარი გაიხსნა, რომელშიც კრისტალზეთ ეროვნული ლიგისა და კრისტალზეთ ეროვნული ლიგა 2-ის 30 არბიტრი და 5 ინსტრუქტორი მონაწილეობს. სამი დღის განმავლობაში სასწავლო კურსის მსმენელი ფიფას ინსტრუქტორისგან დეტალურ ინფორმაციას მიიღებენ VAR სისტემის შესახებ.

საქართველოს ფეხბურთის ფედერაცია აქტიურად მუშაობს VAR სისტემის საქართველოში დანერგვაზე და აღნიშნული სემინარი სწორედ ამ პროექტის ნაწილია.

მაზანის „რუბინის“ ქართველი შემტევი ზურიკო დავითაშვილი რუსეთის პრემიერლიგის მე-12 ტურის სიმბოლურ ნაკრებში მოხვდა.

ჩვენებურის თამაში InStat Index-მა და Match Premier-მა გამოარჩია. გარდა ამისა, დავითაშვილი, „რუბინის“ გულშემბტკივართა აზრით, „ტამბოვთან“ მატჩის საუკეთესო ფეხბურთელი იყო.

ქართველმა ხმების 62% მიიღო, მეორე ადგილზე გასული გორ კონოვალოვს კი მხოლოდ 6% ერგო.

შეგახსენებთ, რომ დავითაშვილმა „რუბინის“ მაისურით სადებიუტო გოლი გასულ შაბათს გაიტანა.

მოსკოვის „ლოკომოტივის“ ძირითად შემადგენლობაში სოლომონ კვიციანიამ ადგილი დაკარგა. ჩვენებურს იური სიომინი აღარ სწავლობს და უკვე კარგა ხანია მის უთამაშებლობას ხან რას მიაწერს, ხან – რას.

რუსეთის პრემიერლიგის ბოლო ტურში „არსენალთან“ შეხვედრაში „ლოკომოტივს“ მოედანზე სამი ცენტრალური ჰყავდა – ბენედიქტ ჰიოვედესი და ვედრან ჩორლუკა დაცვის ცენტრში, ხოლო მურილიო ხორკერა (რომელიც ცენტრალური მცველია – რედ) საყრდენი ნახევარმცველის პოზიციაზე ირჯებოდა. პირველ ტაიმში რკინიგზელთა გერმანელმა მცველმა ტრავმა მიიღო და სიომინმა შესვენებაზე შეცვალა.

ჰიოვედესის ნაცვლად მოედანზე თადარიგში მყოფი ერთადერთი ცენტრალური მცველის (კვირკველია) ნაცვლად საყრდენი ნახევარმცველი სტანისლავ მაკეევი გამოჩნდა. შედეგად, ჩორლუკას მურილიო შეუწყვილდა.

ნამატჩევს სწორედ ამ ცვლილების შესახებ ჰკითხეს რუს სპეციალისტს, რომელსაც საკმაოდ უცნაური პასუხი ჰქონდა – დასვენება სჭირდებოდა:

„კვირკველია არ შევიდა, რადგან დასვენებისთვის დრო სჭირდებოდა. ახლა საქართველოს ნაკრებში ითამაშებს, პრაქტიკას იქ მიიღებს და გუნდში ამის შემდეგ მოხვდება“, – თქვა სიომინმა.

სხვათა შორის, გამოცდილი დამრიგებელი დაახლოებით თვენახევრის წინაც მსგავს კომენტარს აკეთებდა და ამბობდა, რომ სოლომონი ჯერ მზად არ იყო. არადა, რუსეთის პრემიერლიგის პირველი ტურიდან მოყოლებული (უკვე 12 ტური მიილა), ჩვენებური სათადარიგო სკამზე ზის და, როგორც ნესი, ტრავმირებული ფეხბურთელები განაცხადში არ შეჰყავთ.

ქართველმა მცველმა მიმდინარე სეზონში ერთადერთ მატჩში ითამაშა და ისიც ყველაზე უმნიშვნელოში, რუსეთის თასზე, 120 წუთი, პრემიერლიგისა და ჩემპიონთა ლიგაში კი მოედანზე არ გამოჩენილა.

ლონდონის „ტოტენჰემის“ კაპიტან უგო ლორისის რეაბილიტაციის პერიოდი ცნობილია. როგორც „მამულებს“ ვებ-გვერდი იტყობინება, ფრანგი მეკარე 2019 წელს მოედანზე გასვლას ვერ შეძლებს.

ლორისმა ხელის უმძიმესი ტრავმა პრემიერლიგის ბოლო ტურში „ბრაიტონთან“ მატჩში მიიღო. როგორც გაირკვა, უგო მოედანზე 2020 წლის იანვარში შეძლებს დაბრუნებას.

შეგახსენებთ, რომ ფრანგმა კიპერმა „ბრაიტონთან“ მატჩის დასაწყისში სერიოზული დაზიანება მაშინ მიიღო, როდესაც ბურთის ხელში დაუფლებას ცდილობდა, მაგრამ ვერ შეძლო – გოლიც გავიდა და ლაზარეთშიც აღმოჩნდა.



ატბალენის „ბარსელონას“ მცველმა ჟერარ პიკემ „სევილიასთან“ შეხვედრაში ყვითელი ბარათი მიიღო და მომავალ მატჩს დისკვალიფიკაციის გამო გამოტოვებს.

მან ანდალუზიელებთან 85-ე წუთზე გაფრთხილება ბურთის გადაგდებისთვის დაიმსახურა და მიიჩნევენ, რომ ეს განზრახ გააკეთა. ესპანელმა იცოდა, რომ ყვითელი ბარათის შემთხვევაში „ეიბართან“ დაპირისპირებას გამოტოვებდა და „რეალთან“ მატჩში მონაწილეობის საკითხს რისკის ქვეშ არ დააყენებდა, რადგან მომდევნო შეხვედრაში ყვითელი მას ავტომატურად „ელ კლასიკოს“ გამოტოვების ფასად დაუფლებოდა.

თუმცა, არაა გამორიცხული, პიკეს ფანდი არ გაუვიდეს და განზრახ მიღებული გაფრთხილების გამო უფრო მკაცრად დასაჯონ, როგორც, მაგალითად, შარშან სერხიო რამოსი ჩემპიონთა ლიგაზე.

პიკეს მიმდინარე სეზონში ჩატარებულ 8 თამაშში 5 ყვითელი ბარათი დაუგროვდა, „ელ კლასიკო“ კი 26 ოქტომბერს „კამპ ნოუზე“ გაიმართება.

გიორგი შოთაძე

„თბილისობა“ ოკეანის მიღმა, ნიუ-იორკში იზიარებს

როგორც „2020NEWS“-ის ჟურნალისტმა ლელა ნინუამ გაუცხადა, ქართველმა ემიგრანტებმა თბილისობა ტრადიციულად ქართული ელემენტებით აღნიშნეს – იყო გამოფენა-გაყიდვა, ქართული ტრადიციების საზღვარსა და ზეიმი, რომელიც თან ახლავს ამ დღესასწაულს. ღონისძიების მთავარი გმირი კი საოპერო მომღერალი, ბარიტონი დავით ღვინიაძე იყო, რომელმაც თავისი გამოსვლა ლენინდარულ ქართველ კომპოზიტორს გია ყანჩელს მიუძღვნა.

ქართველობა იკრიბება და მეც მიწვევენ, უარს არასდროს ვამბობ. ჩემს ქართველ მსმენელთან ერთად ვზეიმობთ შემოდგომის ფესტივალს. ჩემთვის „თბილისობა“ ასო-



„თბილისობა“ ნიუ-იორკშიც აღვნიშნეთ. უამრავი ქართველი შეიკრიბა. ტრადიციულად გამოფენა-გაყიდვა, ქართული ტრადიციების საზღვარსა და ზეიმი, რომელიც ამ დღესასწაულს თან ახლავს, საკმაოდ ლამაზად ჩატარდა. აღსანიშნავი იყო ის ფაქტი, რომ ფონდ „მსოფლიო ტალანტების“ პრეზიდენტი და სამხატვრო ხელმძღვანელმა, მსოფლიო დონის საოპერო მომღერალმა, ბარიტონმა **დავით ღვინიაძემ** თბილისობაზე მისი გამოსვლა, ლეგენდა გია ყანჩელს მიუძღვნა“, – განუცხადა „2020NEWS“-ს ლელა ნინუამ. მისივე თქმით, მისთვის „თბილისობა“ ასოცირდება ტივზე მოსიერე ყარაჩოღლებთან და ქართულ მრავალმნიშვნელობასთან. „თბილისობის“ ტრადიციას ხელოვანები აქაც ვაგრძელებთ, გამონაკლისი არც მე ვარ. სადაც ჩემი

ცირდება ტივებით ამაყად და ლაღად მოსიერე ყარაჩოღლებთან, კინტოებთან, ქართულ მრავალმნიშვნელობასთან. მიხარია, როცა არ იკარგება ტრადიციები და ყველაზე უმთავრესს – ურთიერთობებს არ ვივიწყებთ, რადგან ყველას გვახსოვს, რომ თბილისი იყო ურთიერთობა – ეს არის ცხოვრება-შეც მთავარი. „თბილისობა“ ასევე უდიდესი სიყვარულია ტრადიციების მიმართ, პატივისცემაა წინაპრების, რომლებმაც დღემდე შემოგვინახეს ღირებულებები. რამდენიმე დღის წინ უდიდეს ხელოვანს გამოვეთხოვეთ, ის ეკუთვნის სრულიად სამყაროს თავისი სიდიადით, ჩემი გამოსვლაც სწორედ მას, გია ყანჩელის შემოქმედებას მივუძღვნე“, – განაცხადა დავით ღვინიაძემ.

ოკეანის მიღმა ქართველმა ემიგრანტებმა „თბილისობა“ 6 ოქტომბერს აღნიშნეს.

თბილისი ერთი წლით ნიგნის მსოფლიო დედაქალაქი იქნება

თბილისი 2021 წელს ნიგნის მსოფლიო დედაქალაქი გახდება. გადამწყვეტილების შესახებ იუნესკოს გენერალურმა დირექტორმა ოდრი აზულეიმ განაცხადა.

სტატუსის მოსაპოვებლად თბილისის მერიამ და თბილისის მულტიფუნქციური ბიბლიოთეკების გაერთიანებამ განაცხადი საქართველოს იუნესკოს საქმეთა ეროვნული კომისიის მხარდაჭერით მიმდინარე წლის მაისში წარადგინეს.

თბილისის გაეროს განათლების, მეცნიერებისა და კულტურის ორგანიზაციაში (იუნესკო) რეკომენდაცია გაუწია ნიგნის მსოფლიო დედაქალაქის საკონსულტაციო საბჭომ. ის მიზნად ისახავს ახალ თაობებში ნიგნის კითხვის გლობალური მასშტაბით წახალისებას.

სადღესასწაულო ღონისძიებები სტარტს 2021 წლის 23 აპრილს, ნიგნის და საავტორო უფლებების საერთაშორისო დღეს აიღებს. პროგრამის ფარგლებში გაიმართება ნიგნის ფესტივალები, ნიგნის კითხვის დღეები, ნიგნზე დაფუძნებული ციფრული თამაშები და ბევრი სხვა. ასევე იგეგმება პირველი ქართული გამოცემის აღდგენა.



თბილისი რიგით 21-ე ქალაქია, რომელმაც ეს სტატუსი მოიპოვა. 2001 წლიდან მოყოლებული, საპატიო სტატუსს ბევრი სხვა ქალაქი ფლობდა, მადრიდიდან დაწყებული (2001), კუალალუმპურით დამთავრებული (2020).

ეკთიმე თაყაიშვილის სხოვრების ამსახველი გამოფენა


საპარტეზლოს იუსტიციის სამინისტროს ეროვნული არქივის საგამოფენო პავილიონში ექვთიმე თაყაიშვილის ცხოვრებისა და მოღვაწეობის ამსახველი გამოფენა 11 ოქტომბერს 16:00 საათზე გაიხსნება.

ქართველი ისტორიკოსის, არქეოლოგის, პედაგოგის, საზოგადო და პოლიტიკური მოღვაწის, საქართველოს ეროვნული გმირის, საქართველოს მართლმადიდებელი ეკლესიის მიერ წმინდანად შერაცხილი ექვთიმე თაყაიშვილის შესახებ საქართველოს ეროვნული არქივი მრავალფეროვან და მდიდარ მასალას ინახავს.

ექვთიმე თაყაიშვილი საქართველოს ცენტრალური არქივის, დღევანდელი ეროვნული არქივის დაარსების ერთ-ერთი ინიციატორი იყო. 2020 წელს არქივის დაარსებიდან 100 წლის იუბილე აღინიშნება.

ქართველთა შორის წერა-კითხვის გამავრცელებელი საზოგადოების, ისევე, როგორც საისტორიო-საეთნოგრაფიო საზოგადოების საარქივო ფონდებში ექვთიმე თაყაიშვილის მოღვაწეობის შესახებ დაცული მასალა საზოგადოებისათვის გამოფენის ფორმატში პირველად იქნება წარდგენილი.

დამთავლიერებელს საშუალება ექნება, იხი-



ლოს ანჩისა და კალმასის ციხის სახარებები, რომელთა მოძიება თაყაიშვილის სახელს უკავშირდება.

გამორჩეულია საარქივო მასალა, რომელიც ასახავს საქართველოსა და მის ფარგლებს გარეთ ქართული საგანძურის დაცვისა და მოძიების საქმეში ექვთიმე თაყაიშვილის წვლილს.

გამოფენა 10 ნოემბრის ჩათვლით გაგრძელდება. დათვალერება თავისუფალია.

ახალი სანარმო სანაქში

სანაქში, მშვიდობის ქუჩა №96-ში თხილის და სხვა ვაკელოვანების გადამამუშავებელი სანარმო აშენდა, რისთვისაც 1 700 000 ლარის ინვესტიცია განხორციელდა და 30 ადამიანი დასაქმდა.



სანარმოს ასაშენებლად შპს „ნათს ელი“-ს ელექტრონულ აუქციონზე ეკონომიკისა და მდგრადი განვითარების სამინისტროს სახელმწიფო ქონების ეროვნული სააგენტოსგან 22705 კვ.მ ამორტიზებული, შენობა-ნაგებობები 435 000 ლარად საინვესტიციო ვალდებულებებით გადა-

ცვა, ხოლო სოფლის მეურნეობის სამინისტროს სოფლის მეურნეობის განვითარების სააგენტოს ხელშეწყობით კომპანიამ 1 500 500 ლარის შეღავათიანი აგროკრედიტით ისარგებლა.

შპს „ნათს ელი“ უკვე რამდენიმე წელია, წარმატებულად ოპერირებს თხილის ბაზარზე. კომპანია ადგილობრივი მოსახლეობისგან ყოველწლიურად 3000-5000 კგ. თხილს იბარებს, ამუშავებს და ევროპის ქვეყნებში ყიდის.

დიდ დილოში სპორტული სივრცე მოეწყო

დიდ დილოში, გიორგი ბრწყინვალეს ქუჩა №1 კორპუსის მიმდებარე ტერიტორიაზე მულტიფუნქციური სპორტული სივრცე მოეწყო. პროექტის ფარგლებში, გარე გამოყენების სხვადასხვა სახეობის ფიტნეს ტრენაჟორები 600 კვმ ფართობზე დამონტაჟდა.



სპორტული სივრცე საბურთალოს რაიონის გამგებელმა გაიოზ ვასაძემ, საკრებულოს მაჟორიტარ დეპუტატ ავთანდილ ცინცაძესთან და ოლიმპიურ და მსოფლიო ჩემპიონ ლაშა ტალახაძესთან ერთად დაათვალიერა.

„ჩვენთვის ძალიან მნიშვნელოვანია ჯანსაღი ცხოვრების წესის ხელშეწყობა. სწორედ ამ მიზნით, ორ ლოკაციაზე მოეწყო თანამედროვე მულტიფუნქციური სპორტული სივრცე, ერთი დიდ დილოში, მეორე კი ცინცაძე-კარტოზიას დამაკავშირებელ სატრანსპორტო კვანძთან, რომლითაც მოსახლეობა აქტიურად სარგებლობს. ასეთი სივრცეები საქართველოში პირველად მოეწყო. ჩვენ მომავალშიც ვეცდებით, მოსახლეობას შევთავაზოთ რაც შეიძლება მეტი სიახლე და სხვადასხვა თანამედროვე პროექტები განვასოციალოთ“, – განაცხადა საბურთალოს რაიონის გამგებელმა გაიოზ ვასაძემ.

წლეულს ტურიზმიდან შემოსავალმა 1.5 მილიარდ ლარს მიაღწია

ტურიზმის ეროვნული ადმინისტრაციის ინფორმაციით, 2019 წლის იანვარ-ივნისის (I-II კვარტალი) პერიოდში შემოსავალი საერთაშორისო მოგზაურობიდან საქართველოში შეადგინა 1.5 მილიარდ ლარს (ზრდა +7%), რაც 95 მილიონით მეტია წინა წლის ანალოგიურ მაჩვენებელზე.

იანვარ-ივნისის მონაცემებით, ტურიზმის წილმა მთლიან შიდა პროდუქტში შეადგინა 7.7%, ზრდა წინა წელთან შედარებით +19.7%-ია.

როგორც ტურიზმის ეროვნული ადმინისტრაციის ინფორმაციაშია აღნიშნული, 2019 წლის აპრილ-ივნისის (II კვარტალი) პერიოდში შემოსავალი საერთაშორისო მოგზაურობიდან საქართველოში შეადგინა 878 მილიონ ლარს (ზრდა +8.4%), რაც 68 მილიონით მეტია წინა წლის ანალოგიურ მაჩვენებელზე. აპრილ-ივნისის მონაცემებით, ტურიზმის წილმა მთლიან შიდა პროდუქტში შეადგინა 8.2%. ზრდა წინა წელთან შედარებით +23.6%-ია.



ბაგრატიონები ქონებას ისევ ვერ იყოფენ

PORSCHE CAYENNE-სა და Used Mercedes-Benz GL-ის შემდეგ, ამჯერად სააპელაციო სასამართლოში დავის საგანი BMWX5-ია. ეს ავტომობილი პირველმა ინსტანციამ საკუთრებაში დავით ბაგრატიონ-მუხრანელს დაუტოვა, თუმცა ანა ბაგრატიონ-გრუზინსკის მიაჩნია, რომ სამივე ავტომობილი უნდა გაიყოს.

აღნიშნულ საქმეზე სხდომა გუშინ გადაიდო, სააპელაციო სასამართლომ მხარეებს მორიგებისკენ მოუწოდა, თუმცა ჯერ უცნობია, შეძლებენ თუ არა ამას ოჯახის წევრები. რაც შეეხება იმ მიმართულებით დავას, თუ რომელი „უფრო ბაგრატიონია“, ამ თემაზე ისტორიკოსები სასამართლოს აკრიტიკებენ და განმარტავენ, რომ გადაწყვეტილების მიღების პასუხისმგებლობა სწორედ სასამართლოს ჰქონდა, თუმცა მან ეს თავიდან აირიდა.

მხარეებს შორის დავის საგანი 2013-2015 წლებში შექმნილი სამი ავტომობილი იყო. სასამართლომ მაისში ანა ბაგრატიონ-გრუზინსკის და დავით ბაგრატიონ-მუხრანელის სამეფო ქორწილი, პატრიარქის ინიციატივით, 2009 წელს სამებაში გაიმართა. წყვილი ოფიციალურად 2016 წელს განქორწინდა.



ანა ბაგრატიონ-გრუზინსკისა და დავით ბაგრატიონ-მუხრანელის სამეფო ქორწილი, პატრიარქის ინიციატივით, 2009 წელს სამებაში გაიმართა. წყვილი ოფიციალურად 2016 წელს განქორწინდა.

ირანში ფეხბურთის მატჩებზე ქალების დასწრების უფლებას აპროტესტებენ

თეირანში, საკანონმდებლო ორგანოს შენობის წინ შეიკრიბა ადამიანთა მცირერიცხოვანი ჯგუფი, რომელიც ფეხბურთის მატჩებზე ქალების დასწრების უფლებას აპროტესტებენ. იტყობინება „რადიო თავისუფლების“ ირანის ბიურო.

აქციის მონაწილეები, რომელთა შორის ქალებიც არიან, საერთაშორისო საფეხბურთო ფედერაციის (FIFA) წინააღმდეგ გამოვიდნენ, რადგან სწორედ FIFA-ს მოთხოვნით გახდა იძულებული ირანის ფეხბურთის ფედერაცია, რომ ქალებისთვის გამონაკლისი დაშვებულიყო, რათა მათ შესძლებოდათ დასწრებოდნენ ფეხბურთის მატჩებს.



მიუხედავად იმისა, რომ ირანში ქალების ფეხბურთის მატჩებზე დასწრების ამკრძალავი საკანონმდებლო ჩანაწერი არ არსებობს, ბოლო 40 წლის განმავლობაში, ირანის სასულიერო მმართველობის მიერ, ქალებს ეს უფლება ჩამორთმეული ჰქონდათ.

წელს, FIFA-ს ზენოლის შემდეგ, ირანის ხელისუფლება დათანხმდა 10 ოქტომბერს დანიშნული საფეხბურთო მატჩის, ირანსა და კამბოჯას შორის, ბილეთები ქალებისთვისაც მიეყიდათ. აღსანიშნავია, რომ ქალებისთვის გამოყოფილი 3500 ბილეთი რამდენიმე წუთში გაიყიდა.


სექტემბერში ახალგაზრდა ქალმა ირანში სიცოცხლე თვითმკვლელობით დაასრულა, როდესაც ის, აკრძალვის მიუხედავად, ცდილობდა საფეხბურთო მოედანზე შეეღწია.

FIFA ირწმუნება, რომ იგი გააგზავნის დელეგაციას ირანში, რათა დარწმუნდეს, რომ მთავრობა შეასრულებს თავის დაპირებას და ნებას მისცემს ქალებს, უგულვებამტკიცებონ ფეხბურთელებს.

მსოფლიოში ტურისტებით ყველაზე დატვირთული ადგილები

კვლევაში კომპანია Columbus Direct-ის ექსპერტებმა ის ადგილები დაასახელეს, რომლებსაც ყველაზე მეტად სტუმრობენ და ტურისტებით დატვირთულია. სრული სია ორგანიზაციის ვებგვერდზე გამოქვეყნდა.

სპეციალისტებმა რეიტინგი დღეში ერთ კვადრატულ მილზე ტურისტების რაოდენობის მიხედვით შეადგინეს. როგორც გაირკვა, ყველაზე დატვირთული ადგილი ტაილანდის კუნძული პჰუ-კეტია, სადაც ერთ კვადრატულ მილზე 5 000 ვიზიტორი მოდის.



მეორე ადგილზეა ესპანეთის ქალაქი პალმა დე მორკა, მესამე ადგილს კი ასევე ტაილანდის ქალაქი პატაია იკავებს.

მეოთხე ადგილზე პარიზი აღმოჩნდა. ათეულში ასევე მოხვდნენ ბარსელონა, კუალა-ლუმპური, მილანი, ოსაკა, სინგაპური და ნიუ-იორკი.

მოგზაურთა გაზაფხულის მზრუნველთა საბჭოს სახელით

განათავსეთ რეკლამა ყველაზე საჭირო და სანდო გაზეთში და ამით ხელი შეუწყვეთ 101 წლის ყოველდღიური გამოცემის აღორძინებას.

გვჯერა, რედაქციის მიმართვას გამოეხმაურებიან ჩვენი ბიზნესმენ-ქველმოქმედნიც და გარკვეულ ფინანსურ დახმარებას გაუწევენ გაზეთს.

ჩვენი ანგარიშია: №GE19TB7601536020100009. (შპს „ახალი საუკუნე“ – გაზეთ „საქართველოს რესპუბლიკის“ გამომცემელი).

შვედეთის მეფე სუთ შვილიშვილს სამეფო ტიტული ჩამოართვა

შვედეთის მეფემ კარლ XVI გუსტავმა სუთ შვილიშვილს სამეფო ტიტული ჩამოართვა. ინფორმაციას ამის შესახებ ტელეკომპანია „ბიბისი“ ავრცელებს.

მეფის გადაწყვეტილების მიხედვით, ბავშვები ამიერიდან არ იქნებიან ვალდებული, სამეფო ოჯახის მოვალეობები შეასრულონ. მედიის ცნობით, ისინი კვლავ სამეფო ოჯახის წევრები იქნებიან და ჰერცოგისა და ჰერცოგინიას ტიტულებს შეინარჩუნებენ. მეფის ეს გადაწყვეტილება პრინც კარლ ფილიპის ორ შვილსა და პრინცესა მადლენის სამ შვილს ეხება. ამასთან, ბავშვები ერთიდან ხუთ წლამდე ყოველწლიურ თანხასაც ვერ მიიღებენ.



მულენ რუჟი 130 წლისაა

პარიზში აწინა დე ტულუზ-ლოტრეკის ნამუშევრების გამოფენა გაიხსნა. ამის შესახებ Euronews-ი იუწყება. სწორედ ლოტრეკის ნახატების წყალობით ხელოვნების მოყვარულებმა მე-19 საუკუნის პარიზის თეატრალური მხარე იხილეს.

ექსპოზიცია პარიზის დიდ დარბაზში გასული 30 წლის განმავლობაში პირველად გამოფინეს. ის მულენ რუჟის 130 წლის თავს ეძღვნება.



მით უფრო, რომ სწორედ ლოტრეკი იყო პირველი, ვინც მულენ რუჟის კაბარესთვის აფიშებს ხატავდა.



საქართველო	რუსეთის ფედერაცია:
საქართველო - 2.9677; პარიზი - 3.2571;	საქართველო - 2.9677; პარიზი - 3.2571;
ბრიტანული მიმართვა სტრატეგია - 3.6547;	ბრიტანული მიმართვა სტრატეგია - 3.6547;
100 რუბლი - 4.5687; თურქული ლირა - 0.5169;	100 რუბლი - 4.5687; თურქული ლირა - 0.5169;
საბრაზიანული მანათი - 1.7456;	საბრაზიანული მანათი - 1.7456;
1000 სომხური დრამი - 6.2229.	1000 სომხური დრამი - 6.2229.

აქციები 9 ოქტომბრისთვის		
აქციების სახელი/საბაზის ვალუტა	ცვლილება	ფასი
ბარსი - ლარი	+9,	ფასი +26
თიანეთი რაიონი - ლარი	+6,	ფასი +24
დასავლეთი საქართველო:		
ბარსი - ლარი	+12,	ფასი +24
თიანეთი რაიონი - ლარი	+7,	ფასი +21
თბილისი - ლარი	+13,	ფასი +24

საქართველოს რესპუბლიკა
SAKARTVELOS RESPUBLIKA

ბ. ჩიქოვასას (ყოფილი საბჭოს) ქუჩა №42/5
ტელ: 296-72-86

მთავარი რედაქტორი
საბრტაძე მოხუცი
599 36-00-35

პასუხისმგებელი რედაქტორები:
გურამ გომიანოვილი
599 53-76-16;
ალექო ასლანიშვილი
599 56-81-86;

პასუხისმგებელი მდივანი
მამუკა ვაშაქიძე
514 33-33-24

გამომცემელი:
შპს „ახალი საუკუნე“ – გაზეთ „საქართველოს რესპუბლიკის“ გამომცემელი“
599 53-76-16; 599 36-00-35
შპს „თანამდებობა“-ს გაზეთ „საქართველოს რესპუბლიკის“ გამომცემელი“
ტ: 599 79-76-79

იბეჭდება გამომცემლობა „**კოლორ პრესი**“
რკინიგზის ჩიხი №20
uac(უაკ)070.4(479.22) ს-323
ISSN 2233-3851

ავტორთა საზურაღდეოდ!

რედაქციის მიერ შუამდგომლობის მასალები დაიბეჭდება ავტორთა ხარჯით.
ავტორთა მოსაზრებები, შესაძლოა, მუდამ არ ემთხვეოდეს რედაქციის პოზიციას. ფაქტების სიზუსტეზე პასუხს აბეზან ავტორები.

„საქართველოს რესპუბლიკა“
შენი გაზეთია, აუსილავლად გამოიწერე, რასაც აქ წაიკითხავ, სხვაგან ვერ ნახავ!